

WAN



Namba 1797
Wan Wik, Janueri 15 - 21, 2009

Niuspepa Bilong Yumi Ol PNG Stret!

K1 tasol
long olgeta hap

**Traim Painim Bal
Resis Namba 5 na
winim K100 stret!!**

Lukim Pes 26

**Winim wanpela
Wantok T-siot
o laplap!!**

Lukim Pes 17

**Noken
wetim
mirikol**



Laipstail stori - Pes 15

**Go bek
long
skul**

**Nambawan
fon dil**

Klas bilong
2009




K49

Baim wanpela
fon na kisim
wanpela fri
presen. I gat
200 x K500
skul fi long
winim long
Februari 2,
2009.

Ofa bar pinis long
January 31, 2009.
Lukim moa toksave
long ol stua.

Digicel

Gutpela, Bikpela moa Netwok



Haiwara

KING TAID: Piksa i soim King Taid o bikpela haiwara i pasim Wanigela setolmen long Koki long Pot Mosbi. *Lukim moa stori long pes 2*

Bikpela hevi redi i stap

...nogat moa spes
long putim dai bodi

Paul Zuvani i raitim

SPES pulap na Mosbi Hausik mas gat narapela 'mog (aisbokis long putim bodi bilong ol daiman) o Sentrel Provins i mas gat mog bilong em yet, dispela em tok bilong Sif Eksekyutiv Opisa bilong Mosbi Jeneral Hausik, Dokta Alphonse Tay.

Dokta Tay i mekim dispela tok bikos i nogat moa spes long putim ol dai bodi. Mog i

pulap, planti bodi tumas long mog i holim, i pasim strong bilong frisa, frisa bagarap na ol bodi i sting.

Dokta Tay i tok Mosbi Hausik Mog we i bikpela long ol arapela mog long kantri i gat spes bilong holim tasol 60 bodi. Tasol nau yet mog i holim moa long 100 bodi.

"Dispela em bikpela hevi."

"Mipela inap stretim dispela hevi sapos Gavman o Helt Dipatmen inap sanapim narapela mog."

"Tasol hevi i ken go daun tu sapso Sentrel Provins i gat mog bilong em tu," Dokta Tay i tok.

Bikos moa manmeri i dai na sampela we ol manmeri i no kamap hariap long kisim dispela i givim hevi long hausik long painim spes na putim ol nupela bodi.

Moa long dispela menesmen bilong Hausik i putim wanpela kontena we i save holim ol bodi.

Moa stori long pes 3



Promotim Seif na Strongpela Sosaiti bilong yumi olgeta!



**Nupela
CURRY
CHICKEN!**

Planti kakaruk mit
wantaim kari!



Klaimet senis opis bai skulim ol manmeri

OPIS bilong Klaimet Senis na Kabon Treid (Climate Change and Carbon Trade) o OCCCT bai stat long skulim ol manmeri long hevi bilong hat bilong graun.

Klaimet senis (Climate Change) em i senis bilong hat bilong graun.

Ol saveman i bilip dispela senis i wok long mekim ples i hat moa na ol ais long ol kol ples i wok long bruk na kamap wara na i mekim level bilong solwara i wok long go antap.

OCCCT nau bai wokbung wantaim Wol Wail Laip Fand (World Wildlife Fund) o WWF long mekim dispela ol wok aweanes.

OCCCT na WWF i bung na

toktok long dispela las wik we ol i ting moa manmeri mas save long dispela hevi.

Planti bilong ol dispela aweanes bai kamap long ol ruel ples insait long kantri na bai lukluk long lukautim ol busgraun na daunim sais bilong ol simok nohut o ges i go insait long skai.

Eksekutiv dairekta bilong OCCCT Dokta Theo Yasause i tok ol bai putim ol toksave insait long ol posta, pepa na liklik buk, redio, TV na ol arapela rot long Klaimet Senis.

Em i tok wokbung bilong ol wantaim WWF bai helpim long skulim moa manmeri luksave gut na daunim dispela hevi.

Long wankain taim OCCCT pasim tok long wokbung wan-

taim gavman bilong Gret Briten (Great Britain) long wankain wok.

Dokta Yasause i tok Briten bai helpim PNG long ol program bilong em long daunim hat bilong ples na tu long lukautim ol busgraun bilong en.

"Dispela ol program bai kamap olgeta hap long kantri," em i tok.

Briten bai helpim PNG tu long mekim aplikesen bilong ol long kisim mani bilong dispela wok i kam long Yunaited Nesens (UN).

UN i gat mani bilong helpim ol liklik kantri olsem PNG tasol OCCCT i mas raitim gutpela aplikesen bilong projek bilong ol long winim dispela mani.



WOKBUNG: Ol OCCCT opisa i bung wantaim WWF las wik Fonde long Mosbi. FOTO: OCCCT.

UNHCR givim donesen long ol Is Awin refuji

Ian Kakarere i Raitim

OL Wes Papua refuji i stap long Is Awin kem klostu long Kiunga insait long Westen provins bai kisim helpim wantaim ol masin bilong brukim graun Yunaitet Nesens Hai Komisib bilong ol Refuji (UNHCR) i givim long ol.

UNHCR i bin donetim wanpela bekho loda na wanpela dam trak we em bin givim i go long Westen Provinsel Etmnistreta insait long wanpela liklik seremoni ol bin holim long Kiunga las wik.

Bosmeri bilong UNCHR long PNG, Wallay Pura, husat i pinis nau long wok bilong em long PNG i bin givim ol dispela trakta samting long Westen Provinsel Etmnistreta, Nelson Hangrabos long las wik Trinde long provinsel hetkota, Kiunga.

Long toktok bilong em long planti lain i bin bung i stap, Mis Pura i tok taim em bin lukluk raun i go long kem tripela yia i go pinis, em bin kirap nogut tru long lukim olsem laip i hat tru long ol refuji na ol asples pipel i stap klostu long refuji kem. Ol i nogat rot long mekim mani na lukautim ol yet na ol famili bilong ol.

Mis Pura i tok ol refuji na ol asples lain i ken groim ol gaden kaikai tasol ol i nogat rot long kisim ol i go long maket na salim. Na i nogat rot long kisim ol sevis olsem helt na edukesen long Kiunga. Em i tok dispela 46 kilomita rot long kem na hap bilong kisim dingi long Flai Riva klostu long ples Drimdamasuk i no gutpela tumas. Long taim bilong ren, dispela rot i save bagarap olgeta. Na i no gutpela tu long kar o trakta i ron long em.

Mis Pura i tok insait long tripela yia i go pinis, planti toktok i kamap namel long ol nesenel na provinsel

gavman ejensi, ol Non Gavman Ogenaisesen, ol praivet bisnis lain long PNG na UNCHR hetkota long Jiniva, Swiselan. Dispela em long traim helpim ol refuji lain na ol asples manmeri bilong Awin.

Em i tok UNCHR kantri opis i bin kamap wantaim tupela bikpela plen bai helpim ol refuji pipel insait long PNG.

Mis Pura i tok dispela ol trakta na bekho donesen we UNCHR i givim long ol refuji i hap long plen namba tu bai inapim taget mak bilong helpim ol i abrusim tarangu helpim ol i save kisim i go long helpim bai kamapim developmen.

Em i tok UNCHR nau bai i wok patna wantaim ol gavman atoriti, ol sios, ol asples bisnis lain long saptim samting olsem 2,700 refuji pipel long Is Awin kem, i kirapim na go hetim ol wok bai ol i kisim mani long ol.

Mis Pura i tok UNCHR bai helpim tu ol asples lain bilong Awin we planti em ol tarangu lain olsem tasol ol refuji pipel.

Em i tok long patnasip wantaim provinsel etmnistresen na Not Flai Raba Limitit, ol bai kirapim wanpela raba projek long Is Awin kem bilong ol refuji na ol asples lain, na stretim rot we bai helpim pipel i gat pinis raba plantesen long salim i go long fektori long Kiunga.

Long wankain taim, Mista Hungrabos i tok dispela donesen i soim gutpela wok patna namel long UNHCR na provinsel etmnistresen. Em i tok ol bai yusim ol dispela masin long stretim ol rot long Is Awin i go olgeta long Nomad Riva eria. Em i tok long mani plen bilong Flai Riva Provinsel Gavman, ol i katim K9 million long stretim ol rot insait long tripela distrik.

Solwara solap

Andrew Molen i raitim

PLANTI ol nambis ples insait long Papua Niugini na wok long lukim senis i kamap long solwara. Dispela senis i lukim solwara i

solap abrusim mak bilong em long hai wara na i go antap moa.

Opis bilong Nesenel Disasta na Imejensi Sevis (National Disaster and Emergency Service) i toksave long

dispela bipo long nu yia olsem solap bilong wara bai go antap long 2.5 mita.

NDES i tok ol manmeri noken pret tasol ol i mas kisim was long dispela taim.

Sampela ripot i kam long ples olsem Hanuabada na Wanigela setelmen long NCD na Sentrol provins we ol i save mekim haus antap long solwara em olsem wara i kam antap long haus na ol samting bilong ol i trip i go.

Planti i lusim ples na go stap antap long graun long wetim wara i go daun.

Siaman bilong NDES, Manasupe Zurenuoc i tok dispela solap bilong wara em ol i kolim King o Spring tait (King Tide o Spring Tide) na i save kamap olgeta yia namel long pinis bilong Disemba na namba wan hap bilong Januari.

Dispela yia, bikpela solap stret bai kamap namel long January 7 i go long 14.

Oro provins bai strongim wok Agrikalsa

SOHE distrik insait long Oro provins bai developim humen risos bilong em na bringim bek laip bilong ol manmeri long i stap olsem bipo long wok didiman. Na i no inap lukluk long ol bikpela developmen plen.

Hevi bilong raun win Guba i kamap i bagarapim sindaun bilong planti manmer. Stretim bek ol wok didiman em moa gutpela long helpim ol manmeri long wok kopi, kakao na lukautim ol kakaruk na pik i ken helpim ol manmeri long ples, long painim moai na stretim sindaun bilong ol.

Anthony Nene em memba bilong Sohe ilektoret i mekim dispela toktok taim em i givim K100,000 sek mani i go long Kakau na Kokonas Industri Koporesen (CCI) long Oro provins bilong helpim ol long karimaut wok program bilong ol long wanwan ples husat i nau statim dispela wok didiman.

Em givim tu K50 000 sek i go long Kopi Industri Koporesen (CIC) long mekim wankain wok long helpim ol fama long ples.

Opisa i makim Kopi Industri long provins, Rodney Soremba, i tok i tok tenkyu long Mista Nene long luksave long wok bilong CIC insait long provin. Em i tokaut olsem adispela mani e mol bai surukim wok bilong CIC i go moa yet long narapela sab distrik olsem, Ioma, Kira na i go olgeta long ol maunten ples olsem Emo Riva, Silima na Kokoda na Biaga long Kokoda trek.

Em i tok moa olsem, CIC bai salim ol kopi bilong en stat long dispela yia i go long ovasis. Em i tok dispela moni i kam long rait taim long helpim edministresen bilong em wantaim ol fama

- Egareka Nolne i raitim

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Ingliis, o Ingliis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE (inc GST)	QTY	SUBTOTAL
PNG Tok Pisin English Dictionary	9780195551129	K38.50		

Recommendations apply to all titles. Prices correct at the time of printing and are subject to change without notice.

TOTAL K

PLUS FREIGHT K

GRAND TOTAL K

*Freight cost for one book: K5.00 across PNG K10.00 Solomon Is K13.50 rest of Pacific Is K17.50 rest of the world

Options for Payment

- 1 Direct deposit into Bank Account (details below)
- 2 Mail Cheque to World Publishing Company Ltd, PO Box 1982, BOROKO, NCD.
- 3 Call into the office: Office 02, Section 58 Aikroment 03, Waigani DC, NCD.

Account Name: World Publishing Company Ltd
 Account Number: 100 000 5380
 Bank: Bank of South Pacific Ltd
 Branch: Commercial Centre
 Branch Code: 8951
 Swift Code: BOSPPGPM

FAX BACK TO: (675) 325 2579

If you are ordering more than one copy please contact us for a quote.

Phone: (675) 325 2500
 Fax: (675) 325 2579
 Email: word@wantok.com.pg

Name (print): Phone:

Address (print): Fax:

Mail: Signature:

Senisim pasin - MP Oveyara

Sape Metta i raitim

Bikpela samting em ol pipel i mas senisim ol pasin (attitude) sapos ol i laik lukim sevis na developmen i go long hauslain, viles na distrik bilong ol.

Dispela em i wanpela bikpela toktok em Memba bilong Okapa long Isten Hailans, Bonny Oveyar, i bin mekim long taim em i bin lonsim 5 Yia Plen bilong distrik bilong em long mun i go pinis.

Em i laik mekim strongpela toktok i go long ol pablik sevan husat i holim ol wok long distrik na tu, ol pipel na komyuniti lida long lusim pasin nogut na putim han long kirapim distrik.

Mista Oveyara i tok em i taim nau long olgeta lain husat i stap insait long wok developmen long distrik i mas soim na kamap wantaim ol gutpela pasin na wok bung wantaim long bringim sevis i go long distrik.

"Gavman i save tromoim bikpela mani long baim ol kar na ol arapela samting. Na ol pablik sevan wok lain i mas yusim gut dispela ol samting long ol opisel wok. Na i no bilong yusim long raun nating na mekim nabaut," Mista Oveyara i tok.

Okapa em i namba tu distrik long provins long opiseli lonsim o kirapim distrik developmen plen bilong em. Long wankain taim tu, Mista Oveyara i mekim presentesen bilong 6-pela kar,

wanpela motobaik na wanpela wok-about somil.

Wan wan kar em i skelim i go long ol wan wan divisen long mekim wok insait long distrik. Nau yet, Memba bilong Unggai Bena na Minista bilong Envairomen na Konsevesen, Benny Allan husat i bin kamap olsem opisel ges long dispela lonsing long Okapa, i tok strong long ol pablik sevan long ol i noken tingim ol yet. Na ol i mas wok bung wantaim long mekim distrik plen i karim kaikai.

Em i tok Okapa Distrik Developmen Plen bai i no inap wok sapos nogat gutpela wok bung wantaim i stap namel long ol pablik sevis wokas na ol pipel.



NOGAT SPES: Nupela kontena long Mosbi Jenerel Hausik we ol wokman i redi long putim ol bodi go insait.

Bikpela hevi redi i stap

...nogat moa spes long putim dai bodi

I kam long pes 1

Na dispela em hausik i yusim long sampela taim i go pinis na strong bilong frisa i pinis na bagarap.

Dispela i lukim ol bodi i bagarap na smel long las wik.

Tasol Dokta Tay i tok Sir Brian Bell husat i siaman bilong Mosbi Hausik Bod i baim nupela kontena na givim long hausik long putim dispela ol bodi insait.

Dispela kontena i holim inap olsem 60 bodi.

Na Dokta Tay i tok hausik i wetim tu narapela 40 fut kontena we Rotari PNG i tok long givim na dispela bai kamap long dispela wiken.

Em i tok taim dispela kontena i kamap ol bai kisim ol bodi long mog na putim long dispela mog we ol teknisen bai wok long frisa bilong mog na stretim gen.

Tasol em i tok maski long dispela ol kontenta i moa gutpela sapos Gavman i ken kamapim narapela mog we dispela i ken helpim long putim ol bodi.

"Bikos moa manmeri i kamap, namba bilong dai i go antap na olsem autoriti i mas kamapim

inap ol samting long lukautim dispela namba," Dokta Tay i tok.

Long hevi bilong saplai bilong marasin dispela pepa i askim Helt Minista Sasa Zibe tasol em i stap long Huon Galf elektoret bilong em na olsem sif eksekutiv opisa bilong em i bekim askim na tok dispela em wok bilong Dipatmen long mekim.

Em i tok Minista i mekim politikol disisen tasol em wok bilong ol opisa long Dipatmen long lukim we mani i mas go.

Wantok Niuspepa i mekim askim long Helt Seketari tasol em i no bin inap stap long bekim.


Long askim long K1 bilion we ripot i kamap long pepa dispela em opisa bilong Minista i tok ripot i no kamap stret.

Dispela K1 bilion i stap long akaun i bilong planti ol arapela dipatmen bilong Gavman na i no bilong Helt Dipatmen tasol.

Long dispela K1 bilion Helt Dipatmen i gat olsem K200 milion.



TOKSAVE LONG NIUSPEPA



Hon. Belden Namah MP,
Minista bilong Fores na Memba bilong Vanimo Grin

Minista Namah i no amamas long ol tok giaman long Vanimo

Minista bilong Fores na Memba bilong Vanimo Grin, Hon. Belden Namah i tok em i no amamas long ol toktok i kamap olsem sampela man i wok long bagarapim nating ol manmeri bilong Vanimo Grin ilektoret long taim bilong Krismas na Nu Yia.

Minista Namah i mekim dispela toktok long bekim ol ripot i kamap long tupela bikpela niuspepa bilong PNG we sampela bikman bilong ol ples long Vanimo i no anamas long pasin sampela man i bin mekim long lukautim ples na strongim lo na oda long Krismas na Nu Yia taim long Vanimo eria.

Ol dispela bikman i tok olsem ol dispela lain i bin bagarapim sindaun na raun bilong ol manmeri long dispela taim.

"Mi amamas long ol dispela toktok tasol mi sore bikos ol lain husat i mekim dispela toktok em ol tasol i save mekim ol dispela bikhet na trabel pasin. Mi yet i bin stap long ilektoret long dispela taim na i nogat wanpela wok bilong ol gavman ejensi husat i save lukautim lo na oda i stap long hap. Dispela i mekim na lo na oda long hap i bagarap. Ol wok bilong brukim lo bilong kantri, olsem baim na salim bilong ol giaman kaikai na arapela giaman prodak, baim na salim gan, ol smuk nogut na ol man tu i go i kam wantaim nogat gutpela wok sekim na painim aut i bikpela moa."

Minista Namah i tok i nogat wanpela asua long sampela manmeri i traime long stretim hevi bilong lo na oda taim ol i lukim olsem ol gavman opis bilong stretim lo na oda i no mekim wok bilong ol.

"Bai yu mekim wanem sapos yu wanpela gutpela man bilong bihainim lo na ol bikhet pasin i kamap long komyuniti bilong yu na ol wokman bilong lo i no kamap long stretim dispela ol hevi? Bai yu mekim wanem sapos sampela lain i kilim wanpela man o reipim wanpela meri long ai bilong yu?"

Minista Namah i toktok strong egensim ol toktok bilong Mista Dekwalen na Mista Dati olsem ol bikhet pasin i kamap long bagarapim sampela ol gutpela man long pablik ples. Em i tok dispela ol toktok i no tru na i nogat as bilong ol na em i askim long wanem as tru ol i mekim dispela ol toktok.

"Sapos ol i gat sampela gutpela rot long stretim ol dispela hevi, orait, ol i mas kamaut na soim mipela long ol dispela rot, Mista Namah i tok."

Minista Namah yet i bungim ol manmeri long komyuniti wantaim sapot aninit long distrik sapot program long kamapim ol Sandaun Border Rangers. Em i tok wok bilong ol dispela Rangers em i no long kisim ples bilong polis o ol arapela ejensi bilong gavman, tasol wok bilong ol em long helpim ol polis na ami long lukautim boda insait long ilektoret bilong em.

"Ol i wokim gutpela wok. Tasol ol i luksave olsem ol i nogat rait long arestim ol trabel manmeri. Dispela em i wok bilong polis. Tasol ol polis tu i stap insait long dispela pasin bilong wokim ol trabel"

Long 2007, ol Katolik mama long Vanimo i mekim wanpela protes mas long soim olsem ol i no amamas long rot i op long boda namel long Vanimo na Indonesia bilong wanem ol i tok dispela bai mekim planti moa hevi bilong salim na baim ol smuk nogut, gan na ol manmeri tu. Ol i bin tok strong long dispela rot i noken op inap olgeta samting bilong luksave gut long raun bilong ol manmeri i go kam long boda i redi.

"Mipela i lukim olsem hevi bilong salim na baim ol samting nogut i go i kam bai go bikpela. Nogat man i bin harim krai bilong mipela long dispela taim. Mipela i amamas nau olsem man i makim mipela long palamen, Hon Belden Namah i go pas nau long lukluk long dispela hevi long boda. Olgeta manmeri long Vanimo Green i mas sapotim em," wanpela mauseri i tok.

Minista Namah i tok em bai mekim strongpela wok olsem memba bilong Vanimo Grin insait long palamen long mekim gut sindaun bilong ol pipel bilong em na rausim olgeta memba bilong ol lo ejensi, na ol arapela husat i wok long stap insait long dispela bikhet pasin long ilektoret bilong em o long boda bilong PNG na Indonesia.

Basil lonsim agrikalsa progrem

Paulus Tali i raitim

WANPELA memba we i wok hat long developim na bringim ol sevis i go long ilektoret bilong em Sam Basil.

Bihain long em sampela ol sevis olsem komyunikesen, rot infrastrukta na bisnis Mista Basil nau i redi long lonsim agrikalsa progrem.

Dispela progrem em Memba bai lonsim long Februari long narapela mun.



Sam Basil. MP

Long helpim long kamapim dispela progrem Basil i putim mani mak olsem K200,000. Em i mekim olsem bihain long Join Distrik Plening na Baset Komiti i tok yesa long em long Disemba las yia.

Insait long dispela progrem em Memba laik kamapim ani bisnis na dispela em bai salim ol manmeri long go long Goroka, Isten Hailans long lainim long lukautim ani binen na kisim ani long em. Em bai kamapim tu ol bisnis olsem

kau, pato, planim kon na groim swit "potato."

Tasol pastaim long dispela ol samting i kamap Basil bai makim ol ples we dispela ol projek bai kamap long em.

Nau yet em i statim pinis 200 ol pis pon long Buang Lokol Level Gavman Kaunsil na bai go yet moa long dispela ol projekTasol em i no amamas tu long Gavman i no lusim hariap ol mani bilong distrik bilong em long em i ken rolim aut distrik tresari wok.

Em i no wok bilong CS long lukautim beil

BIHAINIM ol ripot we i kamap long pepa long tok wok bilong Koreksinel Sevis em long lukautim ol manmeri we polis i sasim na we ol kot bihain i givim beil long ol, long dispela Komisina bilong CS Richard Sikani i tok dispela i no tru.

Em i tok wok bilong CS em long lukim olsem ol kalabus manmeri i stap gut na i mekim ol wok em ol opisa i makim long ol long mekim.

CS i nogat pawa long odaim ol ritrail, givim beil ol pinisim kot bilong ol manmeri.

"Olgeta dispela ol disisen o pawa i stap long han bilong ol kot."

"Na ol kot tasol i givim dispela kain ol disisen," Mista Sikani i tok.

Em i tok long rekot CS i nogat samting long haitim long wanem CS olsem wanpela disiplinari fos i stap bilong bihainim tasol ol oda.

"Na dispela i go wantaim ol disisen em kot i mekim. Mipela i no laik kisim sas long brukim oda bilong ol."

Em i tok em i em i amamas long ol papamama i bringim wari bilong ol i go bipo long Ombudsmen Komisen.

Tasol em i tok maski long Ombudsmen em i ol i ken mekim apil long kot i harim gen kot bilong ol.

Long ol toktok bilong Arua Maraga long kisim mekimsave bilong dai, em i winim apil bilong em.

Long Novemba, 2008 em i kisim beil long Suprim Kot long em i ken stap ausait na wetim kot bilong em.

Na long dispela beil em i mas ripot i go long kot long olgeta Mande namel long 9 kilok na 3 kilok.

Em i tok wok bilong CS em long kisim ol lain husat polis i sasim long ol i ken go long hausik long kisim marasin o klinik long painim ol gutpela marasin na kisim toksave bilong ol dokta long sik bilong ol.

Long 2007 na 2008, i gat save i stap olsem ol bosman bilong Bomana Koreksinel Institusen bai holim Arua Maraga long Mosbi Jenerel Hausik long em i go long hausik na kisim toksave long ol dokta.

Dispela i gutpela na i wok bilong CS long mekim.

Long dispela Mista Sikani i askim ol opisa bilong Seketari bilong Nesenel Judisari na kisim moa save.

Tei givim tok lukaut

OL pipel bilong Isten Hailans provins i kisim tok lukaut olsem ol i mas respektem lo bilong polis.

Polismanmeri husat i stap long wok i gat rait long lukautim laip bilong ol yet na long ol samting bilong gavman na ol pipel egensim ol trabelman.

Em i givim dispela tok lukaut bihainim wanpela pasin nogut i kamap long Okapa polis stesin long las wik long Kuru namba 2 bris.

Ol Okapa polis i bin kisim ripot long ol raskol man i yusim ol gan na naip long i holim ol ka na stilim samting bilong ol pasindia.

Na taim polis i go long dispela hap long stretim dispela hevi ol yangpela wantaim ol arapela moa man long ples i kisim ol samting na paif wantaim polis.

Taim kain birua i kamap tripela ol polis opisa i kisim bagarap. Na long wankain taim ol man long ples i kisim AR 15 long ol trabel man.

Ol ples lain i tingting tu long bagarapim Toyota Len Krusa bilong polis tu wantaim tasol i brukim ol winskrin tasol.

Bihain long tripela bikman long ples i toktok wantaim ol ol kisim gan na givim bek long polis.

Bihain long dispela polis i go bek long Goroka i toktok wantaim ol arapela polis opisa we ol i go bek na i arestim 12-pela man husat i pas long ol toktok bilong stilim ol samting bilong ol pasindia bilong PMV.

Tasol Tei i tok polis bai go bek na arestim moa ol man husat i pas long dispela tok.

"Mi tok strong egensim kain pasin i kamap long ol polis opisa bilong mi."



Lo na Jastis Sekta



TOK AMAMAS

Ol wokmanmeri na Menesmen bilong Lo na Jastis Sekta Sekretariat (LJSS) i laik TOK AMAMAS long

MISTA CHRONOX MANEK

husat i kisim awod long Officer of the Order of Logohu (OL) insait long Oda bilong Papua Niugini long Nu Yia's Onas list bilong 2009.



Mipela amamas long yu kisim dispela luksave long hat wok yu bin kamapim long ol yia bipo i kam inap nau.


Mipela insait long Sekta i wanbel tru olsem wanpela bilong mipela yet i kisim bikpela luksave long ol gutpela wok long kamapim bel isi na gutpela sindaun long kantri.

Yu soim gutpela wok tru long planti yia, stat long Pablik Solisita, bihain Pablik Prosekiuta na nau olsem Sif Ombudsmen Komisina bilong Papua Niugini.

Yu soim gutpela pasin long wok insait long sekta na kantri tu long ol narapela i bihainim na mipela i amamas tru.

Mipela i amamas long wok bung wantaim yu insait long ol yia i kam na mekim Papua Niugini i kamap gutpela ples.

Joe R. Kanekane
Dairekta



OL FES RENBO SKAUT MANKII Dispela ol liklik na yangpela skaut bilong Renbo wantaim yunifom i raun i kam long Wantok opis long promotim wok bilong ol na lo na jastis. Long poto, ol i sanap wantaim sampela wok manmeri bilong Wantok Niuspepa. I gutpela long ol pikinini olsem i joinim ol kain grup olsem Boi Skaut taim ol i liklik yet na ol i ken lainim ol gutpela na stretpela pasin, luksave long atoriti na kamap ol gutpela pikinini insait long famili, skul, komyuniti na kantri. *Poto - Andrew Molen.*

Boi Skaut bai kirapim strong wok long dispela yia

WANPELA long ol ogenaisesen bilong bipo i kirap nau long strongim ol wok em bin save mekim strong planti yia i go pinis.

Nesenel Kapitel Distrik/Sentrel provins Provinsel Skaut Asosiesen i lukluk nau long kamapim sampela bikpela samting long dispela nupela yia, 2009.

"Mipela i gat opis nau tasol mipela i mas painim wanpela fuktai volantia long go pas long wok long dispela yia," Siaman Joe Kanekane i tok.

Mista Kanekane i tok ol i makim pinis ol eksekutiv na nau fan resing komiti bilong ol i lukluk long strongim wok long dispela nupela yia. Em i tok i kama inap nau, ol i kirapim ol liklik skaut grup long Gerehu, Badili na Korobosea.

"Bikpela salens bilong mipela em mi long gat inap skaut lida long skruim intres insait long ol skaut grup. Mipela i holim pinis wanpela trening tasol bai mipela i mas gat tupela o tripela trening moa. Na tu, long kisim sampela nupela lida moa," Mista Kanekane i tok.

Em i amamas long luki olsem planti papamama i laik saptom ol pikinini bilong ol i go insait long skaut grup na taim ol i mekim ol wok ektiviti bilong ol. Em i tok ol i lukim dispela gutpela saptom long Renbo na Gerehu na dispela em i bikpela samting. Em i tok skaut i save redim gut ol yangpela pikinini long kamap ol gutpela manmeri lognbihain taim na wantaim gutpela saptom bilong papamama, ol program nai go gut long ol yia i kam. NCD/Sentrel Koisina, Bonner Tito i tok planti yangpela i gat laik na

i soim dispela laik long kamap skaut memba. Na go insait long ol wok ol skaut i save mekim.

"Long ilsten na westen nambis hap, planti pikinini man na meri i soim i," Mista Tito i tok.

Em i tok ol bai gat ol treningna em i amamas olsem long namba wan trening, ol yangpela pikinini i bin stap insait long em.

Sampela long ol wok plen i stap long program bilong ol yangpela skaut long dispela yia em:

- Planim ol diwai long siti ausait long Mosbi siti;
- Ol komyuniti wok;
- Patnasip wantaim ol NGO i stap pinis long promotim ol sampela bikpela samting olsem envaironmen, lo na jastis na rul o lo bilong trefik;
- Lidasip trening na
- Senis program wantaim ol nara-pela skaut grup long rijen.

Siaman Kanekane i laikim long kirapim na strongim wok bilong skaut insait long Mosbi siti na ol sabab. Na em laikim moa yangpela pikinini long putim nem bilong ol na go insait long grup.

"Gutpela gavanens na pasin, noken giaman tasol i gat pasin bilong tok tru na hatwok e mol bikpela samting yumi mas skuli ol pikinini bilong yumi taim ol i yangpela yet," Mista Kanekane i tok.

Em i amamas long gutpela menesmen tim i stap na tu, long Hai Komisina bilong Australia long PNG, Chris Moraitis i kamap petron bilong NCD/Sentrel provins skaut grup.

Madang Risot givim nem bilong wanpela biknem Rasia saientis long nupela konprens rum

NEM bilong wanpela man Rasia i gat bikpela nem long histri bilong PNG i ka laip gen taim. Madang Risot hotel i givim nem bilong em long namba 5 nupela konprens rum bilong em.

Boman bilong Madang Risot, Se Peter Barter i tok konprens i kamap olsem bikpela samting long ovasis na PNG turis bisnis na planti pipel long PNG

na ovasis i lukim Madang olsem gutpela ples long kolim ol konprens o ol bung. Se Peter i tok ol i givim nem bilong biknem man bilong Rasia husat i bin stap long PNG moa long 200 yias i go pinis, Mikukho-Maklai na i bin sindaun long Rai Kos long Madang. Em i bin wanpela eskplora o man i painim ol nupela ples, animal na ol plawa samtingna saientis.

Se Peter i tok em i amamas lon g givim nem bilong Nicholai Maklai i go long konprens rum long wanem moa pipel i ken save long wok na laip bilong em long PNG.

Na kontribusen em bin wokim long PNG na kisim nem bilong PNG i go long ol ovasis lain long save long en. Na ol gutpela samting PNG i gat long en.

23 "Duruu Dalana" Pis opisa bilong Gerehu Stet 6 i greduet

WANPELA sabab long Mosbi na ol komyuniti bilong em i wok hat nau long kamapim gut sait bilong lo, oda na jastis.

Duruu Dalana komyuniti grup long Gerehu Stes 6 i bin lukim 23 Pis opisa i greduet olsem ol Pis Midieta. Pis Faundeses Melanesi (PFM) i bin helpim klong ranim kos we ol lain i stap long Toliman Kresen i bin greduet long em.

"Mipela i mekim samting long helpim mipela yet, Michaelin Kowih i tok. Planti lain long ol narapela sabab tu i gat laik long wokim dispela wankain kos," Kowih na man bilong em husat i strongpela sapota bilong dispela kos long bungim wantaim ol lain long kos na tu, kisim mani helpim long gavman bilong ranim dispela kos i tok.

Ol yangpela na bikpela manmeri wantaim i bin sindaun long kos na greduet long em. Na long taim bilong greduesen, ples i bin pulap tru wantaim ol sapota na pren i laik lukim ol poroman bilong ol i greduet.

Lo na jastis sekta Midia Edvaisa, Joe Kanekane i ama-

mas olsem komyuniti i mekim samting long lukautim gutpela sindaun na lo na oda na i bin askim ol lain i greduet long lukluk nau long rot bilong stopim ol samting we i save bagarapim gutpela sindaun na lo na oda insait long komyuniti.

"Yumi mas oltaim lukluk long ol rot we yumi ken stopim ol sampela samting in no gutpela long kamap. Antap long dispela, pasin yupela i wokim long kamap papa long dispela eria i soim olsem yupela i laik kamapim gutpela na seif sosaiti," Mista Kanekane i tok.

Em i tok i moabeta long skulim ol pikinini taim ol i liklik yet na ol i mas gat samting long mekim olgeta taim. Na i no stap nating. Em i tok sapos ol i nogat samting long wokim, ol kain samting na ol poroman i no gutpela tumas long strit bai pulim ol long ol kain bikhet pasin. Na ol liklik na yangpela pikinini bai kisim taim nogut.

Mista Kanekane i tokim ol lain olsem "yupela insait long komyuniti yupela i stap long en i save long ol samting i save kamap

long hap. Na wok yupela i mekim bai helpim komyuniti long senis na kamap gut."

Dairakta bilong Pis Faundeses Melanesia, James Laki i bin autim bikpela tok tenkyu i go long komyuniti spirit ol lain o gat long em. Em i PFM nau i wok wantaim Nesenel Lo na Oda Jastis long karimaut ol trening na em i gat bilip olsem ol bai trenim moa pipel long kamap ol pis midieta." Nau yupela i gat save long dispela wok, yupela i mas go aut na mekim wok. Yupela i stap olsem bris long samting i ken go nogut o yupela i ken helpim stretim samting," Mista Laki i tok. Pastaim polis komanda bilong Gerehu polis stesen, Daniel Lingnoge i wok nau wantaim Juvenail Jastis grup i bin tokim ol lain i greduet olsem ol i mas oltaim mekim wok bilong ol.

"Mi gat bilip olsem sapos yupela i luksave long ol samting i no save go stret, ol birua na ol hevi long lo na jastis na gutpela sindaun, na wok gut long stretim, bai yupela kamapim sampela gutpela senis," Mista Lingnoge i



BANK OF PAPUA NEW GUINEA

MEDIA RELEASE

KINA FACILITY RATE (KFR)

FOR JANUARY 2009

The Public is advised that the Kina Facility Rate (KFR) for the month of January 2009 will be maintained at 8.00 percent.

Benny B. M. Popoitai, MBE
Acting Governor



ORDERS OF PAPUA NEW GUINEA

NEW YEAR 2009 HONOURS AND AWARDS

The Governor General of Papua New Guinea, Chancellor of the Orders of Papua New Guinea and Principle Grand Companion of the Order of Logohu, His Excellency Grand Chief Sir Paulias Matane, GCL, GCMG, KStJ, is pleased to announce the following appointments and awards in the 2009 New Year Honours List:

GRAND COMPANION OF THE ORDER OF LOGOHU (GCL)

CONFERED WITH THE TITLE OF 'CHIEF':

• The Hon. Robert James Lee Hawk, AC.

For Service to Papua New Guinea prior to and since independence through involvement in the establishment of the trade union movement and early national wage development and later as Prime Minister of Australia by presiding over a period of harmonious relations between Australia and Papua New Guinea.

• Most Reverend Archbishop Karl Bernhard HESSE, MSC, DD, MBE

For Service to the Catholic Church for more than 40 years as a priest of the congregation of the missionaries of the Sacred Heart of Jesus and first Bishop of Kavieng, New Ireland and later as Archbishop of Rabaul with responsibility for both province East and West New Britain.

COMPANION OF THE ORDER OF THE STAR OF MELANISIA (CSM):

• Brown BAI, CBE

For services to public administration in senior management positions including as Ambassador to Belgium and the European Union and Secretary of the Department of Agriculture, of the Prime Minister and NEC and of Treasury and later to his service to the banking sector and his leadership of the Rural Industries Council.

• Peter Norman COLTON, OBE

For services to Papua New Guinea through contributions over many years to agriculture and rural industries development, particularly as Board Chairman of Ramu Sugar and earlier to public administration as a "Kiap" and district officer and first Provincial Secretary of the Madang Provincial Government.

OFFICER OF THE ORDER OF LOGOHU (OL):

• Larry David GEORGE, OAM

For Services to the community through contributions to commerce and banking and his work with charitable causes in the establishment of Half Way House, Port Moresby City Mission and "Haus Ruth"

• Robert KORUS OBE

For services to the community through work on a voluntary basis for the Catholic Parish of Boroko and St Josephs International College and earlier as the senior officer of the Royal Papua New Guinea Constabulary.

• Mrs Joseph Maria van der KREEK

For services to the community through her humanitarian efforts in various programs including religions education at international schools and specialized assistance to the prison's women and juvenile inmates.

• Sister Josette KEE, FDNSC

For services to the Catholic Church and the community through contributions as a religions sister to teaching and school administration for almost 60 years.

• Christophe A MAKIN

For services to the community through contributions through public administration prior to and since independence, for most of the time in the Highlands region and support for business development.

• Chronox Dopeke MANEK

For public service as a senior in the Department of Justice and Attorney General, particularly as the State's Public Solicitor and Public Prosecutor each for a six year term.

• Wunmba Wengdui MANGA

For services to the community through contributions as a well respected traditional leader and Councilor among his Dei Council Community and the Western Highlands province.

• Michael Sosori ORAKA

For service to the business development and the community through management of co-operatives and small business endeavors in various parts of the country, particularly in the Gulf province.

• Kevin James SHORTHOUSE and Mrs Gail Patricia SHORTHOUSE.

For services to the Catholic Church and the communities of Madang and Sandaun provinces through contributions they made as mission volunteer workers particularly in education and air transport.

• David SODE, MBE

For public service through contributions to policy development and the administration of public revenues and taxes in his former positions as the administration head of the Internal Revenue Commission and more recently as CEO of the PNG Sustainable Development Program.

• Justine Wayne TKATCHENKO, BEM

For services to commerce and the community through his active promotion of the nation's numerous orchid species, and his leadership in the beautification of the city of Port Moresby in conjunction with NCDC.

MEMBER OF THE ORDER OF LOGOHU (ML):

• Luai AITA, BEM

For services to the community as a local leader and councilor and earlier as an officer in the Department of Primary Industry

• Casper ANNGUA

For services to the community through contributions as a catechist, school teacher and headmaster and as Member of Parliament for Bogia and State Minister.

• Soren ARSJO and Mrs Britten ARSJO

For services to the community and religion through contributions in linguistic research and the translation of the New Testament into the Ama and Konai languages of East Sepik Province.

• Brother Jerome DUNN, CP

For services to education and the community as a religions brother in the congregation of the Passionists for over 40 years.

• Laia GENOLAKOU

For services to education as a teacher for over 30 years to the community and the Seventh Day Adventist Church in Central Province.

• Lucille Gumbode HAEMBO

For services to Healthcare as a nursing sister, the Anglican Church and community through her involvement in Girls Friendly Society for the care and training of young women.

• Edward Aha KAWALE

For services to the community through teaching and establishing schools and basic infrastructure in the remote parts of Guntine district in his capacity as a teacher and later as a member of the Simbu Provincial Government.

• Kewa KERA

For services to the community as a councilor and long time member of the Ialibu District Peace and Good Order Committee and his involvement in education and youth development.

• Isaac Dago LEWA, MBE

For services to health care and health education as a Native Medical Orderly-advancing to Provincial Health Educator and later to the community and Seventh Day Adventist Church.

• Ablam MAWA

For public service in the Department of Agriculture and Livestock through involvement in plantation management and training including in his current position as Senior Lecturer and Head of Management Studies.

• Richard MENG.

For services to Tourism and Community in promoting Papua New Guinea in his "World Traveler" magazine and television program in Shanghai, China.

• Kangi PAKE

For public service as a teacher and headmaster in a number of high schools in the Southern Highlands province.

• John RAORI

For service to education and community through involvement as a teacher and in church activities.

• Reverend John TAMBO

For services to the Community as a senior pastor of the Assemblies of God Church in Tari, Southern Highlands Province.

• Mathew Porami TAMUTAI.

For services to the legal profession, the Southern Highlands Provincial Administration and the community.

• Sister Angela M TAYLOR FDNSC.

For services to the church and education as a religions sister and teacher and currently as Principle of Marianville Secondary School in the National Capital District.

• Sister Rita TORPEY, FDNSC

For services to the church and education as a religions sister and teacher for almost 50 years.

• Rex Umpao UWAI

For services to the community through contributions to local level government and school boards in the Southern and Western Highlands provinces.

• Sister Helen WARMEN, FDNSC

For services to the church and education as a religions sister and teacher for 50 years.

NATIONAL LOGOHU MEDAL (LM)

• Pius AMANI

For services to education and the community

• John AMBANE

For services to the community as a councilor

• Wayaki ASI

For services to the community and the Seventh Day Adventist Church.

• Henry DUNGAO

For services to education and the community

• Oswald Carey FOUNTAIN and Mrs Jennifer FOUNTAIN

For services to the community and the Christian Brethren Churches of PNG

• Lucas GOGLA

For services to the community and religion

• Mrs Leena HANAFI

For services to business management and the community.

• Dawabe HARIGALI

For services to the community.

• Mrs Cecilia KAGENA

For Public Service in the Department of Agriculture and Livestock.

• Gekma KAIME

For services to the community

• Fareke KANIMAI

For services to the community

• John KAPU

for services to the community through promotion of canoe racing.

• Meka Kavo LAREORY

For services to the community and Boys Scout.

• Mrs Nora NELSON

For services to the community and the Catholic Church.

• Amaia Paja OLA.

For services to the community

• Sunder RAMAMURHY

For services to the community through providing a more accessible and effective internet communications to the rural population.

• Gieuwat Mangere SINWIN

For services to education and the community

• Bal TALA, BEM

For service to the community

• Ronald Edwin Warnecke

For services to business and the manufacturing industry.

• Onismas YALBAI

For services to the community and the Lutheran Church.

• Makis YOHANG

For public service as a teacher and headmaster of various primary schools.

CROSS OF MEDICAL SERVICE MEDAL (CMS)

Mrs Monica ABRAHAM

Michael Mini ALO

Boting DINGUA

Mrs Martella Bige KUMAN

Newe MOROGO

Mrs Ettie SELEP

Mara TEPUGO

Kum WANDIL

MERTORIOUS COMMUNITY SERVICE MEDAL (MCS)

Leo BAILA

Gende BEKER

Robert BOSORA

Inni BURAU

James FERIWOK

Kamie KAMA

Yaka MASO

Peter MEMAFU

Donald PANGAI

Mrs Roselyn PEREMBO

Pamuall Wando POKEA

Err TAL

John TARI

Kuma TOGA

Epale WAKIKALE

Mrs Mary WILLIE

Bao ZIAMANI

COMMENDATION FOR VALUABLE SERVICE MEDAL (CVS)

Dickson DAGORA

Mrs Evelove Korere MERO

Paul PAP.

MERTORIOUS PUBLIC SERVICE MEDAL (MPS)

Thomas BAGLI

Thomas Pepe HOMAKE

Larry MAGABE

Isaac MULUNGU



OL MERI GO PAS LONG UNHCR OPIS LONG PNG: Wallaya Pura long fran em dispela meri i bin go pas long UNGCR opis long PNG bai i go nau na nupela bosmeri gen, Walpura Engelbert i kisim ples bilong em. Wallaya i sanap wantaim ol lain long Waitpela Riben grup. Em i bin go pas long sanapim dispela grup i gat ol lida i sanap egensim pasin bilong paitim na bagarapim ol meri.

UNHCR long PNG i gat nupela bos

Ian Kakarere i Raitim

YUNAITET Nesens Hai Kornisin bilong ol Refuji (UNHCR) i gat nupela meri long go pas long PNG opis.

Nem long en em Walpurga Engelbert husat i bilong kantri Austria long Yurop.

Mis Engelbert i bin statim wok wantaim UNHCR long yia 1991, na em i wok wantaim hetopis long Jiniva, Swiselan.

Long taim bilong bikpela hevi na pait long Yugoslavia long 1990, em i bin wok wantaim ol refuji bilong Bosnia husat i bin kisim bikpela hevi long pait.

Bihain em i kam long PNG, em bin wok long wanpela kantri long Midel Is, em Jordan na wok wantaim ol refuji bilong Irak. Mis

Engelbert i kisim ples bilong Wallaya Pura husat bai go bek long asples bilong em long Tailen na wok olsem wanpela leksera long yunivesiti long skulim Intenesensl Rilesen.

Mis Pura i bin wok tripela yia long PNG bihain long em i wok long UNHCR, stat yet long yia 1979 insait long ol kantri long Esiawe i bin wok wantaim ol refuji bilong sip husat i ronawe lusim kantri bilong ol bikos long woa namel long Saina na Vietnam.

Long wankain taim, em tru olsem PNG i wanpela ples i no seif long ol ausait lain bilong ol narapela kantri i stap long en?

UNHCR i no ting olsem bikos em i salim ol meri i kam bosim opis bilong em long PNG. Tupela meri i

mekim gutpela wok long ol kantri we hevi i stap long ol, olsem Midel Is na Bosnia long ol yia long 1990s.

Ol pipel long is Awin na Westen provins i bin putim kamap wanpela tok welkam na gutbai long Mis Engelbet na Pura.

Michael Novingu i raitim

TOK lukaut i go long ol manmeri i stap arere long nambis ples long Madang long suruk i go antap long gutpela maunten hap.

Dispela em bikos kirap bilong ol solwara i wok long kamap strong.

Bosman bilong disasta opis long Madang Mista Otto

PNG na Indonesia saientis miting long pait egensim kopi binatang

James Kila i raitim

OL SAVEMAN bilong sik na ol binatang bilong kopi bilong PNG na Indonesia i bin bung long Goroka long tripela de las wik long Goroka long toktok long ol plen long daunim binatang nogut bilong kopi ol i kolim long "kopi beri bora" (CBB).

Nau yet bikpela pret tru i stap long PNG long dispela binatang nogut ol i kolim CBB. Em i no kam insait long kantri bilong yumi yet, tasol bikpela pret tru i stap bikos binatang ya i stap pinis klostu tasol long Wamena long Papua provins long Indonesia.

Insait long dispela miting long Goroka, ol saintis bilong Kopi Industri Koporesin (CIC) Risets na Groa Sevises Divisen, ol saintis bilong Agrikalsa Dipatmen bilong Indonesia na tu ol saintis bilong Nesensel Agrikalsa Risets Institiut (NARI) i bin bung long Bird ov Paradais Hotel long Goroka long toktok long ol rot na sampela kain plen long stopim

dispela binatang nogut bilong kopi CBB.

Dispela miting em Australian Senta ov Intanesenel Agrikalsa (ACIAR) i bin givim fainensel sapot long mekim kamap.

Ripot i kam long CIC i tokaut olsem sapos dispela binatang nogut bilong kopi CBB i kam insait long PNG em bai bagarapim tru bikpela milion Kina indastri bilong yumi.

Ripot i tok tu olsem CBB bai i painim gut ples bilong en insait long PNG bikos ol kondisen we ol fama insait long kantri bilong yumi i save groim kopi i wankain olsem ol lain long Papua provins long Indonesia.

CBB em i wanpela binatang nogut we i save kaikai ol bin bilong ol mau kopi seri na mekim hol long ol na bagarap ol.

I gat bikpela poret tru spos dispela binatang nogut i kam insait long PNG bikos em i ken daunim kopi prodaksin long PNG i go daun moa long 80-pesen. Dispela em i bikpela mak tru na indastri bilong yumi long kantri

bai bagarap stret.

Narapela bikpela samting tru long sait bilong ikonomi bilong PNG em olsem moa long 2.5-milion manmeri long ol ruel eria insait long kantri i save stap strong long mani bilong kopi. Mani bilong kopi tasol i save mekim na ol i save baim skul fi, klos na tu baim marasin na peim haus sik.

Insait long Hailans rijon long PNG, mani bilong kopi tasol i save mekim ikonomi long ruel eria i muv.

Bikpela as tingting bilong dispela miting long Goroka em long luksave long wok bilong ol lain patna husat i wok long pait egens CBB na tu long kisim ol ripot long wanem wok i kamap long Papua provins long Indonesia na tu long painim rot long putim was egens CBB long kam insait long PNG.

Ol i lukluk moa tu long ol projek wok we i stap insait long wanpela plen long banisim dispela binatang long lusim Indonesia na kam long PNG

Surik i go long gutpela maunten hap

Avorosi i mekim dispela tok lukaut i go long ol manmeri bilong Madang i stap arere long nambis, long kirap lusim hap ol i stap long en na go long gutpela maunten hap.

"Yupela i noken pret. Pret bai bagarapim yupela tasol yupela mas putim was, lukautim yupela yet long abrusim birua," Mista Avorosi i tok.

Em i tok moa olsem, solwara

i go antap bikpela long mak bilong 20 mita long hap bilong Is Niu Briten, Solomon Ailan na arapela hap bilong wan solwara kantri.

Ripot *Wantok Niuspepa* i kisim i kam long opis bilong ol lain i save lukautim win, ren, san i tokaut olsem ol hap we solwara i kirap bagarapim long Disemba 2008, bai kisim taim nogut ken taim solwara kirap ken.

Ol i tok tu olsem solwara i wok long kirap strong long mak bilong 20 mita i go antap long hap bilong Is Niu Briten, Not Solomon, not long Ikweta mak long solwara bilong Bismark na ol solwara bilong pasifik.

Tok lukaut i go Jong ol manmeri i stap arere long solwara long putim was o kirap lusim hap ol i stap long en long go long gutpela hap na sindaun long en.

TOYOTA 70 SERIES 4WD LAND CRUISER LEGEND

Legendary deals immediate delivery
DON'T MISS OUT!

TOUGH ✓ RELIABLE ✓ QUALITY ✓ DURABLE ✓ ADAPTABLE

Choice of Colours!

- 4.2L 6 Cylndier Diesel engine
- Power Steering
- Airconditioning
- Snorkel
- Rust Resistant body



IMAGES USED FOR ILLUSTRATION PURPOSE ONLY

BE QUICK, BE VERY QUICK!!!

Port Moresby.. Ph 3229400
Lae Ph 4781800
Kokopo..... Ph 9829100
Madang..... Ph 8522188
Kavlang..... Ph 9842788

Goroka..... Ph 7321844
Mt. Hagen.. Ph 5421888
Kimbe..... Ph 9835155
Lihir..... Ph 9864099
Buka..... Ph 9739915

Wewak.... Ph 8562255
Vanimo... Ph 8571254
Tabubil... Ph 5489060
Pogera.. Ph 5479367
Alotau.... Ph 6410100


Ela Motors
TOYOTA

Your First Choice

Conditions Apply www.elamotors.com.pg



GLASIM TOK
WANTAIM
Fr Lollington Wiam



Niu Yia, Nupela Amamas

OLGETA nu yia, i no gat wanpela manmeri i save sindaun na glasim famili i stap olsem wanem. Yumi ting olsem Niu Yia em i taim bilong bikmaus, paitim dram, spak na mekim kain kain pasin.

I moa yet yumi mas sindaun na skelim pasin bilong yumi famili, las yia yumi stap olsem wanem na dispela nupela yia yumi bai sindaun long wanem rot.

Sapos famili i no sindaun gut orait, em taim bilong stretim na senisim, bai sindaun, wok na wokabaut bilong yumi i noken krangi na bai em i ken kamap stretpela long ai bilong Bikpela bilong yumi.

Wanem famili i mas wok hat na senisim pasin blong famili bilong ol yet na kamap stretpela long ai bling God. I gutpela yumi mas kisim gutpela skul long Santu, Famili, Josep, Maria na Jisas.

Dispela stori bilong Santu, famili man, i santu tru olgeta Jisas em Jisas. Maria em i pulap long grasia na Josep em stretpela man. Maria i laikim na rispektim o givim luksave long Josep, na Josep i laikim na rispektim Maria, Jisas i harim tok bilong Maria na Josep na i helpim ol.

Insait long Santu Famili, ol i mekim wok na helpim arapela memba bilong famili na ol i kamap hepi na holi famili.

Long Kolosi 3:18-21, Santu Paul i tok olsem. Ol meri i mas harim tok bilong man bilong ol, ol man i mas laikim tru meri bilong ol, ol pikinini i mas harim tok bilong papa mama.

Sapos yumi glasim gut i gutpela yumi mas kisim didspela skul bilong Holi Famili na mekim famili bilong yumi tu i mas i stap wankain olsem Holi Famili. Sapos papa i bikhet na stap long narapela rot, mama i stap long narapela, na ol pikinini i stap long narapela na bagarapim sindaun bilong yumi orait em taim bilong stretim na senisim.

Dispela senis i no ken i kam long narapela hap. Em yumi famili yet. Sapos yumi mekim gut na senis long dispela yia, yumi tu bai kamap olsem Holi Famili long ai bilong God.

Salvesen Ami kisim klostu K15,000 long mekim sosel sevis wok

SALVESEN Ami Sios long PNG long dispela wik i kisim K114, 562 helpim i kam long Stimsips Treding Kampani long dispela wik.

Dispela mani bai helpim long sapotim sios long mekim ol sosel sevis, welfea i karamapim ol imejensi program we sios i save givim i go long ol pipel i bungim hevi long kantri. Na helt na ol HIV/AIDS program wantaim tu ol komyuniti divelopmen program.

Hetman bilong Salvesen Ami long PNG, Komisina Teritorial Komanda, Andrew Kalai taim em i kisim sekmani i tok ten yu long Stimsips kampani grup na moa yet, ol Korol Si Hotel grup, husat i bin wokim fan resing Ret Sil Apil Golp Tonamen long kamapim dispela mani em i givim i go long Salvesen Ami long dispela wik.

Menesa bilong Ela Bis Hotel na ogenaisim komiti memba, Mark Kleeman i tok kampani i amamas long sapotim Salvesen Ami Sios na wok na helpim em i save mekim long kantri moa long 50 yias nau.

Melanisen Institut i kamapim nupela buk long graun

"PLES bilong mi na Graun bilong mi" em nem bilong wanpela nupela buk we Melanisen Institut long Goroka i kamapim.

Melanisen Institut em i wanpela bikpela skul we ol bikpela sios long PNG, olsem Katolik, Luteran, Anglikan na Yunaitet Sios i karimaut ol rises wok long ol pasin kastom i sut long sosel, sios wok mani na ol arapela eria we sios i lukim olsem i bikpela samting.

Dispela buk we John Longgar i raitim i glasim graun we i bikpela samting long ol pipel bilong Niugini Ailans rijen.

Buk i toktok long hevi we i kamap namel long Yunaitet Sios na pipel bikos long graun we ol namba wan misinari i bin kisim long ol pipel moa long 100 yias i go pinis long sanapim sios na ol arapela samting bilong

sios.

"Samting tru em graun em i bikpela samting olsem laip na pikinini long pipel. Na taim narapela lain i kisim dispela, ol ipiliim olsem ol i lusim na sekyuriti bilong ol.

"Lusim graun em i mak bilong dai bilong komyuniti we graun em i ples ol i save kisim kaikai, wara na ol narapela samting i save lukautim laip na sindaun bilong ol,"buk i tok.

Buk i skruim ol toktok moa long hevi we Yunaitet Sios i karim bikos long ol samting we ol tumbuna misinari bilong ol i bin kamapim.

Pablik bai lukim na baim buk long mun Mas dispela yia. Spesel ofa long baim buk i stap. Em sapos wanpela man o grup i baim 5 o moa kopi, prais bilong wan wan buk bai pondaun i go daun long K25. Spesel ofa bai pinis long Februari 31, 2009

Glasim famili bung long Meksiko

Stori i kam long Zenit Nius Ejensi, Vatiken:

BIKPELA wol bung bilong glasim ol famili i kamap long Meksiko, Amerika long dispela wik.


Dispela namba 6 bung bai kamap long wanpela wik, i bin stat long dispela wik Tunde na bai pinis long Sande Januari 18.

Planti tausen famili bai i bung long Meksiko Siti long dispela namba 6 famili bung we Pontifikel kaunsel bilong ol Famili i go pas long ogenaisim dispela bikpela bung. Pop John Paul 2 husat nau i dai, i bin statim bung bilong ol famili long Rom long yia 1994. Dispela i bihainim Yia bilong Famili em Yunaitet Nesens i bin makim 1994 olsem.

Pop Benedict 16 long dispela mun Januari i wok long pre long ol famili na moa yet, long famili i kamap olsem ples ol pikinini i lainim pasin bilong i gat sori na helpim ol tarangu lain na long ol i gat bilip.

Grup ol i kolim long Aposelsip ov Preia i tok Pop bai pre long ol wan wan samting long ol wan wan mun long dispela yia. Na

tingting bilong Pop Benedict 16 long makim dispela mun bilong pre long ol famili em bikos famili bai i kamap olsem ples bilong trening long sariti wok, gro long man na strongim bilip.



NUPELA HAUS LOTU LONG GAIRE:

Dispela em nupela Yunaitet sios bilding long ples Gaire insait long Sentrel provins. Sampela kongriksen i save wok hat long bungim mani long plan-ti yia long sanapim gutpela haus kappa sios bilding olsem dispela long Gaire viles. Bikpela i givim yumi olgeta samting long dispela graun, na i gutpela long givim em gutpela sios bilding long luksave na tok tenkyu long em. *Fail Foto*

Mosbi Asdaiosis bai opim Yia bilong santu Paul

LONG Katolik Sios kalenda bilong dispela yia, hetman bilong sios long wol, Pop Benedict 16 i makim yia olsem yia bilong tingim Santu Paul.

Olsem na Asdaiosis bilong Pot Mosbi bai opim yia wantaim wanpela Misa Lotu long neks wik Sarere, Januari 24. Lotu bai stat long 10 kilok

moning.

Pater John Willio MSC em Pastorel Vika bilong Pot Mosbi katolik asdaiosis i tok askim i go long olgeta pater na ol arapela rilijes, na ol narapela wok-lain bilong sios na ol pipel bilong Asdaiosis long stap insait long dispela lotu.

Em i tok Asbisop John Ribat

na Apostolik Nunsio, Asbisop Francisco Padilla bai go pas long dispela misa lotu.

Em i tok olsem hap bilong ol wok redi long dispela lotu bilong opim yia bilong santu Paul, askim i go long 7-pela peris long wok bung wantaim Pater Justin Eke cm long redim ol liteji. Em long Sen

Mary's Katitrel, taun, Sen Michael's Hanuabada, Sen Joseph's Boroko, Sen Peter Sanel's, Erima, Holi Trinity, Boregaina, Sen Charles Lwanga, Gerehu na Sekrel Hat, Hohola.

Pater John i tok, toksave bai i go aut gen sapos olgeta wok redi i pinis.

Go bek long skul

Namba wan fon dil

Klas bilong 2009



+



stat long

K49

Hariap! Ofa bai stap inap olgeta samting I pinis.

Baim wanpela fon na kisim wanpela fri presen. Olgeta fon wantaim SIM yu baim bai gat sans long winim skul fi.

200 x K500 long skul fi bai go insait long dro bilong Februari 2, 2009.
Ofa bai pinis long Januari 32, 2009.

*Piksa tasol. I gat ol arapela kain fon tu I stap

Olgeta lo bilong promosen I stap lukim moa toksave long ol posta long stoa.
Digicel I gar rait long rausim o senisim ofa long laik bilong em.

Digicel™

Gutpela, Bikpela moa Network.

Daulo laikim hai skul

Sape Metta i raitim

DAULO distrik i mas i gat wanpela hai skul.

Em toktok bilong Mema bilong Daulo, Kondo Patrick.

Mista Patrick i tok planti ol skul pikinini long Daulo long Isten Hailans provins, i no inap i gat sans long skul long hai skul long wanem i nogat hai skul long distrik bilong ol.

"I gat planti komyuniti na praimeri skul i stap, tasol nogat hai skul," em i tok.

Em i tok Asaroka Lutheran Hai Skul i stap namel long ol distrik bilong Daulo na Goroka, tasol em i no inap kisim olgeta sumatin long tupela distrik wantaim.

Mista Patrick i askim Gavana bilong Isten Hailans, Mal Kela Smith, long helpim em kirapim wanpela nupela hai skul long Daulo.

Em i tok em i putim K3 milion long wokim dispela nupela hai skul long

dispela yia, long wanem, namba bilong ol sumatin husat bai i go long hai skul i wok long i go antap olgeta yia.

Mista Patrick i tok dispela K3 milion i kam long K4 milion nesanel gavman i givim aninit long Distrik Sapot Impruvmen Program (DSIP).

Em i tok em i laikim provinsel gavman long givim sampela mani tu long helpim wokim dispela skul.

Taim *Wantok Niuspepa* i toktok wantaim Mista Smith long tingting bilong Mista Patrick long mekim hai skul, Mista Smith i tok olsem dispela i ken kamap tasol ol wanwan distrik long provins i mas salim ol baset o mani plen bilong ol long provinsel baset komiti bai ol i ken glasim na helpim ol wok long ol distrik.

Em i tok provinsel gavman i no inap helpim sapos ol distrik i no inap long stretim na salim ol mani plen i go long opis bilong em.

Sohe MP helpim helt sevis long distrik

Egareka Noine i raitim

HELT sevis insait long Sohe distrik nau bai ron gut long mekim wok bilong en, bihain long memba bilong Sohe ilektoret, Anthony Nene i kamaul long helpim ol wantaim K100,000.

Dispela mani bai strongim wok helt insait long distrik na long baim ol marasin saplai na wara saplai long ol haus sik.

Gutpela helt sevis i save kamapim helti komyuniti na helti manmeri long bringim developmen long komyuniti ples bilong ol.

Long daunim hevi bilong marasin i sot, Mista Nene i givim K50,000 sek mani i go long Provinsel Helt etvaisa, Copland Ihove na Sohe distrik Helt menesa, Hilda Moses, long baim marasin saplai na tilim i go long wanwan helt senta insait long Sohe distrik bilong helpim moa long 40,000 manmeri i stap long ol dispela eria.

... Givim K100,000 long strongim wok na sevis

Sohe distrik i gat 6-pela helt senta na moa long 800 etpos. Ol helt senta em Kokoda Memorial Haus sik, Emo Riva, Saiho, Sangara, loma na Kira. Mista Nene i givim tu K50,000 i go long Saitto helt senta namel long Kokoda na Popondetta haiwe long helpim na stretim wara saplai i bin bruk i stap. Ol sik manmeri i painim hat tru long dring marasin, wasim klos, kukim kaikai na was was taim ol i bungim bikpela hevi long ol kain kain sik.

Helt atoriti i pasim ol sik manmeri na pikinini long noken slip long wod. Dispela K50,000 em i bilong putim wanpela sauten kros wara tenk em memba i baim pinis na i stap long Saitto helt senta. Wok bai stat long dispela yia 2009 na taim wara tenk i sanap, Sohe hausik wantaim ol ples i stap klostu

olsem Awara ples i sanap, Saiho Haus sik wantaim ol ples i stap klostu olsem Awara, em ples bilong foma gavana Sylvinius Siembo na Soroputa i stap antap liklik long Saiho gavman stesen. Na Saiho polis stesen i stap arere long Popondetta/Kokoda haiwe bai kisim na yusim.

Sohe distrik helt menesa, Misis Moses tok amamas na tenkyu long memba long luksave long tupela bikpela hevi olsem wara saplai long Saiho haus sik na marasin long Sohe distrik. Misis Moses i tok klia olsem, wara em bikpela samting bilong sevim laip na sapos nogat wara, bai planti manmeri na pikinini dai.

Em tok tu olsem raun win Guba i bagarapim planti gutpela wara bilong dring, kukim kaikai, na waswas. Na i

kamap doti na brigim kain kain sik olsem strongpela kus wantaim 'skin soa, skin hat, sotwin na bel pen.

Presiden bilong Higaturu LLG i tok tenkyu long Mista Nene long luksave long ol hevi i stap long LLG bilong em, tasol em i tok planti laip i lusim pinis long taim bilong disasta. Na em i askim Mista Nene long noken lusim ol manmeri. Na long em i mas sambai na redi long karim hevi bilong pipel yet, inap olgeta hevi bilong disasta o birua i pinis, na manmeri kisim bek laip ol i bin stap long bipo.

Em i askim tu Sohe distrik treseri long ol i putim K51,000 we na wok restoresen i no bin kamap long helpim ol manmeri long ples.

Em i tok em bai wok painimaut yet, na sapos ol opisa i paulim na em sanapim ol long kot, bai ol i kisim sas bikos em dispela pablik mani bilong ol pipel long ples.

Okapa Divelopmen Plen bai strongim helt sevis

WANPELA bikpela wok we bai kamap long Okapa distrik long dispela yia em wok bilong wokim wanpela nupela haus sik.

Memba bilong Okapa, Bonny Oveyara, i tok dispela taim em i tokaut long Okapa Distrik 5-pela Yia Plen i no longtaim i go pinis.

Mista Oveyara, i tok em bai lukluk moa yet long strongim ol sevis olsem helt, na em i putim pinis K500,000 long statim wok bilong wokim haus sik.

Sampela ol narapela wok we bai

kamap aninit long dispela plen em wok bilong stretim Okapa distrik edministresen opis (K2.7 milion), na wok bilong pulim ilektrisiti o pawa i go long ol ples (K1.5 milion).

Dispela em sampela ol wok Mista Oveyara i tokaut long dispela K10 milion em nesanel gavman i givim long aninit long Distrik Sevis Impruvmen Program (DSIP).

Em i tok ol manmeri i mas wokbung wantaim ol wokmanmeri bilong pablik sevis na mekim dispela plen karim kaikai.



SKUL BILONG KISIM SAVE: Ol sumatin long dispela skul wantaim ol mama woklain na ol lain i save sapatim skul. Ol pikinini i smat tru long wanem ol i save long yusim kompyuta, draivim trakta na lainim long rit na rait long Inglis.

Wan Yia Anivesari



Leit Detective S/Constable 9219
Rexford Tonny Bernard
Em i dai long 12/01/08


Wanpela yia nau yu lusim mipela. Bik bro, dispela wari na pen long lewa bilong mipela bai no inap lus. Yu i bin strongpela lida long famili bilong yumi. Yu i bin wanpela gutpela papa. Nogat man inap kisim ples bilong yu. Lapun mama bilong yu, Maria N'draiwok long Manus, na tu ol wanwok na poro bilong yu, brata, susa, anti, ankol, bubu na ol tambu long ples, Manus, Kavieng, Rabaul, Tabubil, Mosbi, Sarua Rigo na Fiji. BUDDA wari bai stap long tripela pikinini na meri bilong yu Hellen, Toi, Quinten na Lerry.

Bai mipela i tingim yu long prea bilong mipela.

Yu stap malolo wantaim Papa God.

Jr Rexford Tonny, Kimberly, Tarianna, Hauda na Nicky Bernard. Rainbow, Gerehu.

Lukautim ol pis bilong yupela yet



LAINIM: Sampela meri long dispela bung.

James Kila i raitim

OL MERI i mas save long lukautim ol pis long ol liklik raun wara long ol ples bilong ol. Sapos ol i save long mekim dispela, bai ol i no inap sot long abus long kaikai.

Dispela em astingting bilong wanpela bung Australian Senta bilong Intanesenel Agrikalsa Rises (ACIAR) i bin kamapim long Goroka long Isten Hailans provins long skulim moa long 170 meri bilong ol provins bilong Morobe, na Simbu, na Isten Hailans long lukautim ol pis long ol liklik raun wara long ol ples bilong ol.

Dispela wok bilong lukautim ol pis long ol liklik raun wara em ACIAR i kolim inlen fres wara pis faming.

Wanpela saveman bilong agrikalsa long Australia husat i bin skulim ol meri long dispela bung long Goroka,

Paul Smith, i tok senis long taim bilong ren, win na san bai lukim kaikai i sot long planti hap bilong wol, na i gutpela olsem ol manmeri i lainim long lukautim kaikai - olsem ol abus olsem pis - bilong ol yet.

Mista Smith i tok tu olsem sapos ol i lukautim abus bilong ol yet na groim gaden kaikai bilong ol yet, ol i ken kaikai ol dispela kaikai na i no tromoi mani long ol abus na kaikai long stua.

ACIAR i bin givim mani long Inlen Akuakalsa Developmen Senta a bilong Aiyura long kamapim dispela bung.

Wanpela wokman bilong Akuakalsa Developmen Senta, Kine Mufuape, i tok olsem ol we ol i skulim ol meri long en long lukautim ol pis em i no save kos bikpela mani, tasol bai helpim tru sindaun bilong ol.

Planti famili bungim hevi long man i kisim namba tu meri

Veronica Hatutasi i raitim

BOGENVIL long dispela taim i bungim hevi long ol marit man i kisim ol yangpela meri olsem namba tu meri, na lusim ol namba wan meri na pikinini long lukautim ol yet.

Leitana Nehan, em oganaisesen long Buka insait long Otonomes Bogenvil Rijen (ARB) husat i save lukautim ol rait, fridom na mekim gut long ol meri, ol mama na pikinini i tok olsem.

"Bikpela wari bilong Leitana em ol marit man i wok long raun na kisim ol yangpela meri olsem ol namba tu meri. Ol i grisim ol dispela yangpela meri long wanem ol i stap long ol kain hevi olsem skul fi i sot, laip i hat, grisim ol long kisim ol i go raun long Rabaul na long dispela rot, ol i paulim na stap wantaim ol yangpela meri," Presiden bilong Leitana Nehan, Helen Hakena i tok.

Taim ol marit man i wok long mekim



SELEBRET: Ol meri Bogenvil i amamas na selebret wantaim danis. Fail foto.

olsem, ol famili tru bilong ol i wok long kisim hevi long nogat mani na nogat kaikai. Na dispela hevi i kamap long olgeta hap bilong Bogenvil nau.

Leitana Nehan i gat ol kaunsiling opis insait long 13-pela hap long 4-pela rijen long Bogenvil. Mipela i kisim ripot long olgeta

dispela ol opis. Ol yangpela meri we ol bikpela marit man na bisnisman husat i stap long mak bilong papa bilong ol i raun wantaim em planti em ol skul meri long gret 6, 10 na 12, Misis Hakena i tok.

Mipela i sori tru olsem dispela i kamap na dispela i bagarapim

rait bilong ol. Bikos long dispela paul pasin, namba wan meri na famili i bungim hevi long tingting na stap taim em i hat long sait bilong mani sapot," Misi Hakena i tok.

Em i tok ol papamama i bin kisim 6-pela yangpela skul meri i go long Leitana Nehan

opis long dispela mun long kisim kaunsiling o gutpela tok stia long ol woklain.

"Mipela i sindaunim ol na givim tok stia i go long ol. Mipela i tokim olsem ol i mas sanap strong long skul long wanem dispela bai helpim ol long mekim ol disisen bilong ol yet long laip. Mipela tokim ol tu olsem ol dispela man em ol i bikpela moa na ol bai stopim ol rait na fridom bilong ol bihain taim.

"Dispela em long wanem ol man bai i go lapun pastaim taim ol dispela skul meri i yangpela yet. Mipela i yusim tu redio Bogenvil na New Gawn FM long kari-maut ol awenes long dispela samting," Misis Hakena i tok.

Em i tok namel long Krismas taim na dispela mun, Leitana Nehan opis i bin lukim na givim kaunsiling long 35 ol meri na mama husat i bungim hevi long wanem ol man bilong ol i wokim paul pasin wantaim ol yangpela meri na kisim ol olsem ol namba tu

Save i Ken Helpim

OL HUMAN RAIT

Skruim ol Human Rait Toktok i kam long Isu 1795, long wok bilong Stet long lukautim na inapim ol Rait.

Inapim: Ol atoriti bai gat ol lejisletiv na administretiv lo bilong daunim dai bilong ol pikinini na ol narapela lain moa we hevi em ol i ken stretim na daunim.

I tambu long bagarapim na mekim nogut long narapela manmeri na givim mekimsave long em

Luksave: Polis i mas noken bagarapim na mekim nogut long ol manmeri ol i ting i rong long brukim lo na i holim pasim ol long kisim ol toktok long ol.

Lukautim: Ol atoriti bai i gat ol lejisletiv na administretiv lo bilong daunim domestik vailens o pasin bilong ol marit long pait wantaim wanpela narapela.

Inapim: Ol atoriti bai skulim ol polis manmeri long strepela rot long bihainim taim ol i holim pasim na toktok long ol manmeri ol i ting i rong long brukim lo.

Moa long neks wik.



PAU I GAT STAIL

KAM GUT: Wanpela liklik maket we i save kamap long Sande long Not Kos rot long Madang em, Pau Sande Maket. Dispela maket i gat stail na kala bilong en yet long pulim ol manmeri long go baim ol gaden kaikai, buai, na tu kain kain ol pis bilong solwara.

Wantok Niuspepa i raun i go long Madang long las wik i go pinis na i guria tru long lukim planti ol manmeri bilong taun i kisim ol PMV bas na ol kar bilong ol yet na go long dispela maket.

Planti taim ol bikpela maket long Madang taun olsem Madang maket, 4 Mail maket, Balasigo maket, Sagalau maket i save pas long Sande. Tasol dispela maket long Pau i save op long Sande na ol manmeri i save kurakum i go long en.

Long poto, wanpela meri bilong Kafe long Isten Hailans provins, Maureen Kreafa, i guria tru long lukim wanpela liklik sak na kindam na pis bilong solwara long Pau Sande maket long Madang.

Poto na Stori: James Kila

Taim bilong Bikpela i kam klostu nau

Dia Edita

Mi no save go lotu olgeta Sande tasol mi bilip long tok bilong Bikpela long Baibel. Planti taim yumi save ritim long pepa olsem bikpela pait i kamap na sunami i karamapim ples, bikpela win i bagarapim ol ples na kain kain samting.

Ol manmeri i wok long go insait long ol

kain kain pasin olsem pamuk na pati na dring long long na tu ol kain kain sios i wok long kamap.

Ol gutpela lain i wok long senisim pasin bilong ol na tu planti pasin stil i kamap.

Em i klia olsem long baibel long Matyu bai tokim yu long ol dispela kain pasin.

Ol Kristen manmeri, yupela olgeta noken ai

pas na ting olsem taim bilong yu long senis bai kam. Nogat. Taim bilong senis na bilip long Bikpela i mas stat nau. Bikpela i les long yupela i lus long paia bilong hel. Em i laikim yumi olgeta pikinini bilong em mas bung wantaim long ples em i redim bilong yumi.

Mi nogat sios. Tasol mi save olsem Bikpela i stap na em i wok long

redi long kam bek long kisim ol pikinini bilong en.

Em tasol na liklik tok-tok long ol manmeri olsem, bilip na prea olgeta taim long gutpela bilong yu.

**TRUPELA BILIP
MAN
POM SITI.**

Traibel pait bagarapim ol pikinini

Dia Edita

Long Fraide, Januari 4, 2008, Pos Kororia (Post Courier) i bin soim wanpela liklik pikinini wantaim bagarap em i bin kisim long pasin traibel pait long hailans.

Poto i soim pes bilong em na bel bilong mi i kraik long wanem em mi no bon olsem. Em i bin gat tupela lek bipo long dispela samting i kamap. Mi sore long lukim liklik bebi meri wantaim wanpela lek tasol.

Dispela kain pait long Westen Hailans na ol arapela hailans eria mas stop nau bikos ol pikinini na ol mama wantaim ol arapela manmeri i wok long painim birua na hevi namel long sindaun bilong ol.

Mi wari long wanem ol pipol bilong yumi na ol stap long kain sindaun i no stret. Em i

kamapim kain kain hevi.

Inap long gavana bilong Westen Hailans, Hon James Olga i mekim sampela kain samting long kain pasin bilong traibel pait? Em i sanap na sapotim na lukautim ol pipol bilong em long provins bilong en na kamapim gutpela sindaun long ol famili na komyniti.

Olgeta man i save long kain pait long hailans. Ol i save tok ol man bilong pasim iay na stap tasol. Ol i no man bilong harim tok bilong ol arapela.

Plis yupela ol lain manmeri long Westen Hailans i mas stopim dispela kain pait. Yupela yet i lukim ol kain kain hevi pinis na yupela i save wanem kain hevi yupela i stap long en.

**PLES MANGI
PIENGI.**

Pasin pamuk go bikpela long Kimbe taun

Dia Edita

Mi laik tok tok long ol lain manmeri olsem ol man long ples i save kam long tan long painim ol pamuk meri long hosreis ples.

Ol i no save kam long pilai tasol i save kam long painim ol meri hailans na karim ol i go bek na maritim ol.

Mi no save wai na ol i no save maritime ol meri long ples. Ol i save westim moni bilong ol long ol pamuk meri husat ating i karim sik nogut raun raun na givim long ol man.

Em tasol na tenkyu tru.

**ALBERT TONNY
KIMBE TAUN**

MANGALIM

Tripela mama ya i mangalim stret dispela gaden kaukau i kamap gut tru.



Ol manmeri i kisim taim long ol solwara solap

Dia Edita

Mi wari long wanem planti ol ples ns viles klostu long solwara i kisim bikpela hevi long solwara i solap.

Dispela i karim planti hevi we ol gaden kaikai na haus na ol arapela samting i bagarap ol solwara i karamapim. Na nau ol disasta opis lain i wok long tokim ol lain stap klostu long

nambis long kisim ol kago samting bilong ol na painim hap long maunten ples long abrus long hevi solwara solap i karim i kam.

Gavman mas lukluk strong long dispela na mas givim helpim hariap long wanem ol manmeri i wok long bungim bikpela hevi na lusim planti kago samting bilong ol.

Mi gat bikpela wari na sore

long ol lain bilong yumi na mi beten tasol long God papa bai blesim ol na lukautim ol long dispela taim bilong bungim hevi.

Em tasol na sapos wanpela i laik bekim o sapotim pas bilong mi, rait tasol i kam long Wantok Niuspepa na mi i ken lukim.

**Wari tru
NCD**

Gavman mas kamapim lo bilong kamapim pikinini

Dia Edita

Ating gavman mas kamapim lo bilong karim o kamapim pikinini (1 child policy) long populesen gro bilong yumi long kantri.

Global Woming i wokim na solwara i solap na stat long karamapim ol ailan. Na olgeta lain bilong yumi long ailan bai painim ples long stap nau na graun tu i wok long go sot.

Na gavman tu i gat plen long kamapim sampela moa ilektoret long ol provins bilong yumi. Em bikos long populesen bilong yumi wok long gro bikpela olsem na ol i wok long plen long kamapim moa ilektoret.

Gavman mas lukluk gut yumi develop yet. Ol lain i stap long bikbus na maunten na ol rurel ples i no kisim gut ol

sevis bilong gavman na populesen i wok long gro bikpela stap.

So ating em taim nau we gavman mas kamapim lo bilong karim pikinini we bai kontrolim populesen gro bilong yumi long Papua Niugini.

Yumi ol manmeri tu mas luksave, sevis bilong gavman i no kam gut long laik na tingting we yumi olgeta i gat long em.

Laip em hat, kain kain hevi na sik i wok long go bikpela so yumi mas lukluk gut na stretim yumi yet long ol wanem kain nupela samting, hevi na senis i wok long kamap.

**DAMAX
POPONDETTA
ORO PROVIS**

Bihain taim bilong yu bai olsem wanem

Dia Edita

Mi laik raitim wari bilong mi long olgeta yangpela pipol bilong dispela kantri olsem bihain taim bai i olsem wanem.

Planti ol yangpela skul liva husat i no wokim wanpela samting long helpim sindaun bilong ol i save go insait long wok pamuk na pasin stil long kantri na dispela i wok long apim namba bilong HIV/AIDS long kantri bilong yumi we i winim pinis ol arapela pasifik kantri.

Gavman i mas gat bikpela luksave bikos dispela sik i wok long kamapim hevi long ol yangpela long ol rurel ples insait long kantri.

I mas i gat luksave long ol yangpela bilong wanem ol i gat bikpela kontribusen long kantri long givim sampela kain projek long helpim ol yangpela long lukautim sindaun bilong ol yet.

Mi laikim ol yangpela i mas wokim wok bilong helpim ol yet na tu komyniti bilong ol yet na

bai abrus long kain pasin raskel o pasin pamuk.

Em i olsem long buk Baibel we Adam na Ivi wokim ron long gade Iden na Bikpela i tokim ol long nau bai olgeta samting i hat na bai ol i hat wok long kamapim ol kaikai long kamapim gutpela sindaun bilong famili bilong ol.

PNG em i Kristen kantri na i pulap long ol kaikai bilong graun. Yumi mas yusim ol dispela ol kaikai bilong graun o risos long stretpela rot na maski long raun nating painim isi moni we i ken kamapim hevi long sindaun na laip bilong yumi.

Na tu yumi olgeta i mas i stap long Kristen laip bai olgeta samting i orait.

Tenkyu long autim wari bilong mi na mi bai amamas long ol bekim i kam long Wantok Niuspepa.

**JEROM JAY
BEMA HAI SKUL
GULF PROVINS**

Amamas long wok bilong gavana long rausim buai lain long ol pablik ples

Dia Edita

Mi amamas long wok ol NCD lain i wok long mekim long rausim ol buai sela long ol pablik ples.

Gutpela tru na ol i rausim ol. Long wanem taim ol i stap, planti pipia i save pulap na buat spet tu i save bagarapim pablik propeti.

Nau yumi lukim olsem ples i klina na nogat planti skin buai i stap nabaut nabaut.

Tasol wanpela askim em olsem, bai gavana i givim tok orait long ol atoriti long sasim ol manmeri i spit na tromoi pipia nabaut long ol pablik ples tu o nogat.

Ol i stopim ol buai selas long ol pablik ples tasol mi ting olsem ol manmeri i save kaikai buai bai spit nabaut long ol pablik ples yet.

Sapos ol atoriti i sasim ol man i mekim kain pasin nogut, bai ol i inap long lukautim ol pipia bilong ol yet na i no bagarapim siti.

Pot Mosbi em mama siti bilong PNG na i mas luk klin na nais olgeta taim.

Em tasol na bekim sapos yu gat wankain tingting.

**Sapota
NCD**

WANTOK

KOMENTRI

Olsem wanem long mama haus sik?

BIKPELA haus sik bilong Papua Niugini, Pot Mosbi Jenerel Haus sik (PMGH) i gat bikpela hevi nau. I nogat marasin, haus bilong putim ol dai man i pulap na masin bilong kolim ol tu i bagarap na mekim ples i smel na i nogat inap dokta na nes long lukim ol manmeri.

Olgeta manmeri bai mekim wanem nau? Ol bai go we long kisim helpim? Sampela i ken go long ol Praivet haus sik tasol kos bilong em i save antap tru na planti husat i kam long ples o nogat wok bai painim hat.

I nap gavman i lukiuk long dispela hevi na stretim hariap bilong wanem laip bilong ol manmeri bilong PNG i strong long dispela bikpela haus sik.

Las wik ol nius ripot i soim City Pharmacy, wanpela stua bilong salim marasin i givim sampela marasin long PMGH. Bikpela amamas i ken go long City Pharmacy long gutpela pasin ol i soim tasol sapos gavman i gat gutpela tingting bai ol i ken sem long dispela.

PMGH em i bikpela haus we ol manmeri long nara-pela provins i save kam long en taim haus sik o klinik bilong ol i no inap long helpim ol. Nau PMGH tu i sot na dispela ol lain bai go we?

Namba tu o deпти bilong Prait Minista em Dokta Puka Temu husat i bin bos bilong PMGH bipo em i kamap politisen tasol yumi no save sapos em i tingim yet wok na pipol bilong em. Ating em i traime tasol em i no save kisim wanpela gutpela bekim.

Ol nes na arapela wokman bilong haus sik tu i karai long kisim gutpela pe tasol olsem wanem long helpim ol manmeri. Mekim wok bilong yu pastaim na bai yu kisim pe - dispela em i no hevi bilong ol manmeri, em hevi bilong gavman na ol manmeri save pilim pen nating.

Sapos gavman na ol arapela otoriti husat i save lukautim haus sik i no mekim wanpela samting bai PNG i gat bikpela hevi tru. Planti moa manmeri bai sik o dai na prais bilong ol praivet haus sik na marasin long ol stua tu bai go antap bilong wanem moa manmeri bai go long ol.

Helt na edukesen em i tupela bikpela samting we gavman bilong ol liklik kantri olsem PNG i mas lukiuk long en bipo ol i mekim arapela samting bilong wanem dispela tupela samting bai strong ol arapela eria bilong developmen.

Nau yet edukesen i orait liklik tasol helt em i bikpela samting nau bilong wanem laip bilong ol manmeri i strong long en.



Tingim yumi yet pastaim

LO na Oda hevi insait long Papua Niugini em i no wanpela nupela samting insait long kantri we yumi bai tokaut olsem kantri bilong mipela i orait o i no orait.

Yumi save ritim long niuspepa olgeta taim long pasin bilong kilim man i dai, ol bikpela stil pasin, hevi bilong bagarapim ol meri o reip, hensapim ol benk na stua o ol gutpela manmeri na kisim mani bilong ol, bikpela hait na korap pasin insait long ol gavman opis na ol lida bilong yumi na planti arapela moa.

Olgeta taim yumi harim komplemen bilong haus sik i sot long ol marasin na ol samting bilong ranim haus sik, ol skul tisa i nogat gutpela haus slip o pei bilong ol wokman i daun tumas na planti arapela moa.

Husat inap tok olsem kantri bilong yumi i nogat kain hevi olsem?

Long Hailans yumi ritim ol pasim yangpela meri long rot na kukim em long paia, ol wok long kilim dai ol lain ol sutim



olsem ol posin o sanguma lain na bikpela pait i wok long bruk namel long ol ples.

Las wik Polis Komisina Gary Baki bin tromoi toktok egensim wanpela ovasis niuspepa olsem ol ripot bilong em long lo na oda hevi bilong PNG long bik siti Pot Mosbi i no tru. Em tok lo na oda hevi bilong PNG o Pot Mosbi em daun long ol arapela bikpela kantri long wol we namba bilong ol pipel bilong ol i bikpela tumas.

Yumi ol pipel bilong PNG yet yumi klia tru long mak na level bilong lo na oda hevi bilong yumi yet. Bikos yumi stap long hia na yumi save bungim ol dispela hevi olgeta taim na yumi save pret na komplemen long gavman.

Ol lida bilong yumi tu i save

long wanem kain trabel na hevi em bikpela tumas long kantri bilong yumi na wanem rot o eksen ol mas mekim.

Moabeta yumi noken salensim ol ovasis niuspepa long ripot ol raitim long yumi. Tru ol bagarapim nem bilong yumi long ai bilong arapela kantri tasol yumi yusim niuspepa bilong yumi yet long klaim kain rekot olsem na tok stret long wanem kain eksen polis fos bilong yumi bai mekim. Gavman bilong yumi tu mas tokaut stret long wanem eksen em gavman bai mekim long traime daunim kain hevi bilong lo na oda hevi bilong yumi.

Tingim, nogat wanpela ovasis niuspepa bai raitim ol gutpela stori long ol gutpela samting kantri bilong yumi save kamapim. Ol bai sambai tasol long painim ol stori nogut long raitim long PNG. Sapos ol gat sampela kain tingting nogut o hait toktok egensim yumi, orait larim ol pipel bilong ol yet ken skelim na glasim. Sapos yumi no bekim, em nau bai ol pipel

bilong ol yet bai rabisim kain stori bilong ol bikos niuspepa ya i no kisim sait stori bilong yumi long PNG. Ol ridas bilong ol yet bai tok em wansait stori.

Husat PNG i ritim na pilim nogut long kain ovasis stori olsem, orait yumi yet ken stretim long ol niuspepa na redio o televisen stesin bilong yumi yet long hia.

Bikpela samting em yumi mas tokaut klia long wanem plen yumi gat na wanem kain eksen bai yumi kisim long paitim egensim ol bikpela lo na oda hevi bilong yumi insait long kantri. Tingim, olgeta kantri i gat lo na oda hevi bilong ol yet bihainim sais na level bilong ol. I bihainim developmen, namba bilong ol pipel, wanem kain sevis ol gat, eduseken level na kantri bilong ol i stap long wanem hap tru. Namel long deset o liklik ailan o, komunis kantri o wanem kain kantri bilong ol stret. Yumi noken skelim yumi wantaim ol. Tingim yumi yet na yumi go het long karim hevi bilong yumi yet.

Jisas i mas mekim stretpela kot

Moa i kam long las wik.....

PLANTI ol man na meri i no save skelim kot gut bilong wanem, planti i save bihainim rot bilong braiberi o trabel man i save baim bikpela mani i go long man na meri husat bai harim kot long helpim em long em i mas winim kot.

Bihain long kot i pinis, ol tranbel man bai amamas na ol gutpela man i save kisim bel hevi tru. Long kot bilong God long Gaden Eden, God i bin skelim kot gut tru na givim mekim save long olgeta. Stat 3: 1-16. Seten na meri na man olgeta i bin kisim mekim save long rong ol i bin mekim.

Stat 3:16, God i givim hevi long meri em olsem, meri bai i stap aninit long ol man oltaim na long taim bilong karim pikinini, meri bai pilim bikpela pen tru.

Long taim bilong Noah, Stat 6:1-11, God i bin salim sampela ensel kam daun long graun bilong helpim ol man bilong graun, tasol ol i bin kam na lukim ol meri na magalim na



sampela i maritim ol na ol man bilong graun tu i bin bung wantaim na mekim ol kain kain pasim pamuk, spak pasin na marit na kain kain pasin pamuk i go bikpela olsem na God i no bin larim ol na mari mari long ol. Nogat tru.

Stat 6:12-22 na Stat 7:1-24, God Bikpela i bin mekim stretpela kot olsem na em i bin kilim olgeta manmeri na ol ensel long wara na olgeta i bin dai.

Harim gut i kam sapos God em i man bilong

wantok sistem em inap larim ol pikinini bilong em na kilim ol man bilong graun tasol. Tasol nogat olgeta i bin kisim hevi bilong bagarapim ol meri bilong graun.

Stat 16:1-4, Sara i bin statim dispela hevi, tasol Abraham na Haga i wanbel long tingting bilong Sara. Stat 16:5-16 na

Stat 22:9-20m Abraham i bin mekim stretpela kot na rausim Haga wantaim pikinini i go na em (Abraham) i no bel hevi long dispela.

2 Samuel 11:1-27, trabel man bilong King Devit na meri bilong Uria. King Devit i no bin mekim stretpela kot. 2 Samuel 12:1-23 God i tokim king Devit olsem kot na tingting yu bin mekim em i no stret olsem na dispela pikinini bilong yutupela Beseba em bai dai.

Devit i karim dispela na em i brukim kros na lusim kaikai na krain na pre na tok sori long God tasol. God i bin mekim stretpela kot olsem na pikinini i bin dai na king Devit i no kros long dispela, bilong wanem em i bin rong na God i mekim stretpela kot long bekim rong em i bin mekim long Uria na meri bilong em.

Nau bai mi kisim yupela i go bek long stori bilong sekem na pikinini meri bilong Jekop.

Stat 34:1-31. Sekem i bin rong na ol lain Hivi i bin sapatim tingting bilong Sekem na ol i no bin bihainim stretpela kot olsem na ol i bin dai.

Las tru yumi lukluk long Amnon pikinini bilong king Devit. 2 Samuel 13:1-22. Amnon i bin reim hap susa bilong em Tama na God i bin mekim stretpela kot na em i no bin strongim tru tingting bilong king Devit long pasim Amnon.

2 Samuel 13: 23-38a. King Devit i bin tok orait na Amnon i bin go long pati bilong Apsolum na ol i bin kilim em (Amnon) insait long pati bilong Apsolum. Devit i harim olsem Amnon i dai em i krai tasol dispela kot mekim save, God i bin mekim.

Nau hia long Paua Niugini na long arapela kantri, pasin bilong bagarapim ol meri i go bikpela na kot i save sanap long sait bilong ol meri na givim bikpela mekim save i go long ol man. Mi laik salensim ol lo manmeri long ol i mas skelim gut kot. Sapos dispela ol trabel em meri statim orait, meri na man i mas kisim mekim save wantaim. Na man i statim dispela trabel orait, man tasol i mas kisim mekim save.

Yumi mas lukaut long God bai skelim yumi wanwan long las de kot bilong em. Rev 20:11-22i tok klia na i stap.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

TOK PISIN NEWS
from Radio Australia

101.9FM
Port Moresby

Tok Pisin Service
6am - 7am
7am - 10am
10am - 12pm
12pm - 1pm
1pm - 2pm
2pm - 3pm
3pm - 4pm
4pm - 5pm
5pm - 6pm
6pm - 7pm
7pm - 8pm
8pm - 9pm
9pm - 10pm
10pm - 11pm
11pm - 12pm

OL SUDAN SUMATIN EGENSIM ISRAEL BOMIM GAZA



KISIM BAGARAP: OL sumatin bilong Sudan i wokim demonstresen long egensim ol ami bilong Israel i karimaut ol ea strak long Gaza. Ol i wokim demonstresen ausait long opis bilong Yunaitet Nesens long Khartoum, Sudan. Ol i karim posta i gat piksa bilong Presiden George W Bush bilong Amerika na kukim flek bilong Israel. Amerika i gupela pren bilong Israel na olsem, ol sumatin i skruim kros bilong ol na wokim nabaut long posta bilong Presiden Bush. *Poto: AP PHOTO.*

UN Jenerel Sekreteri singaut long Israel na Hamas long lusim pait

YUNAITET Nesens (UN) Sekreteri Jenerel, Ban Ki Moon, i tokim Israel na Palestinian movement, Hamas, olsem ol i mas stopim ol pait insait long Gaza Strip.

Em i tok planti pipel i dai pinis na planti ol man meri na pikinini i wok long kisim bikpela hevi stap.

Imejensi relif kodineta bilong UN, John Holmes, i tok planti pipoe i dai na kisim bagarap long dispela pait, em ol 'civilian' o ol man, meri na pikinini nating.

Em i tok ol pipri blong Gaza i kisim bikpela taim stret na moa longen, ol i no gat narapra hap long go bikos, ol i pasim olgeta boda i go aut long teritori.

"Bikpela hevi na bagarap i wok long kamap long ol eria i gat planti pipel long en we ol soldia bilong Israel i kisim pait i go insait long ol. Mi tok olsem long stopim ol Hamas i paiarim ol roket bom we i wok long kamapim wari na hevi. Wankain tu long sait bilong Israel husat i mas stop long pait. Tupela sait i mas kisim sampela gupela tingtign na stipom pait, Sekreteri Ban Ki-Moon i tok.

President bilong Palestaun, Mahmud Abbas i mekim strongpela tok i go long Israel long em i traim na pinisim olgeta ol pipel bilong em, taim ol soldia bilong bilong dispela Jewish kantri na Hamas i sut i go long wanpela narapela long ol strit bilong Gaza.

Wantaim helpim bilong ol tenk na ea straik, ol soldia bilong Israel i go insait long bikpela siti bilong Gaza, na i go insait planti handret mita long sampela ol eria long saut. Ol witnes i bin tokim AFP newsagency olsem, dispela pait i bin wanpela bikpela triunsait long 18-pela de woa.

Ol imejensi sevis long Gaza i tok, ol i kilim pinis samtign olsem 30 pipel long ol nupela pait na bringim namba bilong ol pipel ol i kilim long wok antap long sait bilong Palestaun i go long 950 we 280 em ol pikinini.

Long wankain taim, Oposisen lida bilong Israel, Benjamin Netanyahu, i tok ol i mas rausim olgeta Hamas long Gaza.

Taiwan bai sasim opisa long PNG Grismani skendel

OL bai sasim tupela foma Taiwanese gavman opisel long ol sas bilong wanpela hait wok bilong kisim grisman namel long Taiwan na Papua New Guinea.

Agensi long Taiwan, Control Yuan, i tok em bai sasim foma nesanel sekyuriti kaunsel skereteri Chiou I-jen na man husat i bin foren minista bipo, Huang Chi-fang long dispela 2006 skendel.

Agensi i tok em i kotim tupela man long kisim hait 30 million US dola gris mani long opim wanpela sikret diplomatik wok pren wantaim PNG.

Sampela PNG politisen na gavman opisel i bin flai igo long Taiwan na bungim dispela tupela man, tasol ol i tok, miting bilong ol i bin karamapim ol toktok bilong lusim Saina na sapotim Taiwan kisim per long en.

Tupela man i sakim dispa "bribery allegations" o korapsen toktok i sut long PNG Taiwan Grismani.

Hillary Clinton i mekim testimoni o tok promis long Senet

Meri bai i kisim wok olsem Sekreteri bilong Stet long Amerika (United States of America), Hillary Clinton i givim testimonio o tok promis i go long wanpela Senet we i tokaut stret olsem Obama gavman bai mekim olgeta samtign em i ken bilong bringim pis o bel isi pasin long Midel Is.

Pastaim Fes Ledi i bin tokim Foren Rilesens komiti olsem, ol pait long Gaza nau i mekim klia long em na presiden-ilek, Barack Obama strongpela tingting na laik bilong painim wanpela rot na agrimen we bai lukim pait i pinis na bringim gupela sindaun namel long ol na rijen.

Fiji bungim hevi long bikpela wara na ren

Mitiloji ofis bilong Fiji i tok kantri i wok long bungim bikpla taim nogut long ol hai wara, em kantri i bungim, stat long 1960s.

Sikspela pipel i dai pinis, tupela ol i wok long painim yet na samtign olsem 9,000 pipel nau i no gat haus.

Kerri Ritchie i ripot olsem, planti Fiji pipel i wok long baim kaikai na marasin long ol supamakot, wantaim ol tok lukaut olsem bai i gat moa hai wara long tude nait i kamap.

Wesa Biuri bilong kantri i bilip olsem bai i gat moa hai wara insait long not na we bilong kantri long nait. Na long nait, ol i bilip ren bai pondaun bagarap long hap.

Insait long Nadi, bikpela ren i wok long kamap we Daniel Prasad, general menesa bilong wanpela long ol supamakot i tok, klostu em bai sot long flawa, potato na onien.

Long wiken, wara i bin bagarapim haus bilong em.

"Taitwara i pulapim olgeta hap. Dispela em i nogut olgeta, mi no save lukim dispela kain bipo. Haus bilongf mi i bagarap olgeta na olgeta samtign i lus na bagarap," Mista Prasad i tok.

Ol i tokim ol asples pipel long muv i go antap long ol maunten hap. Na ol turis bilong Australia i traim long kisim balus na lusm Fiji.

Vanuatu: Wanpela top opisa long fainens ministri kisim wok antaim Wol Beng

WANPELA top eksekutiv long Vanuatu ministri bilong fainens i kisim wok long Wol Beng na i makim Vanuatu na ol narapela Pasifik Ailan kantri.

Betty Zinner-Toa, em basr menesa bilong ministri bai wok olsem wanpela etvaisa i go long Eksekutiv Dairekta bilong Eol Beng i makim 13 -pela kantri long Esia na Pasifik rijen.

Vanuatu Independen i ripot olsem, Ms Zinner-toa bai i fnamba wan ni-Vanuatu long wok long Wol Beng long dispela bikpela wok.

Indonesia: Kot long sampela teroris i stat pinis

LONG Indonesia, kot bilong 10-pela saspek memba bilong wanpela teroris grup i link wantaim Jemmaah Islamiya i stat pinis.

Ol i sutim tok i go long ol saspek long ol i wok hait bilong mekim pait i go long ol pipel bilong narapela kantri na ol Kristen Pater long Indonesia.

Ol ibin arestim ol long Sumatra Island long ya igo pinis, bihian long polis i painim 20 explosives long wanpela Safehouse long Palembang, em ol otorotis i tok oli ibin usim bilong bomim sampela tagets.

Ol Indonesian prosecutors i tok, oli putim sampela ol sas agensim ol saspek namel long ol karim aut ol terrorist activities, na ibin tok lukaut long kamapim planti dai na bagarapim igo long ol pipal.

Kot i bin harim tu olsem, wanpela saspek bilong Singapo, em Mohammad Hasan bin Saynudin, i bin kisim militeri ttrening long Afghanistan long ya 2000 na i bin bungim Al-Qaeda lida, Osama bin Laden.

Pacific BEAT Listen to Radio Australia 101.9FM Port Moresby

4.5.0am & 4pm 5pm including sport

Noken wetim mirikol

James Kila i raitim

NOKEN sindaun nating na wetim mirikol. Em bikpela astingting bilong dispela stori. Stori bilong wanpela hauslain long ples Kaugan long Yongumugl distrik long Simbu provins, husat i save wokbung long peim skul long ol pikinini.

Em i no nupela samting? Harim pastaim. Sapos wanpela pikinini long dispela long Kaugan i laik i go skul – komyuniti, hai skul o bikskul – olgeta manmeri long hauslain i save wok na bungim mani long salim dispela wanpela pikinini i go long skul.

Long dispela taim we laip i hat na mani mak bilong ol kaikai, klos, bensen na ol samting olsem wantaim tu skul fi i go antap, dispela ples i soim gutpela pasin.

"Sapos long taim bilong kopi, mipela i save wokbung long helpim husat pikinini long ples i laik i go skul.

"I no papamama tasol i save hatwok long peim skul fi. Mipela olgeta i save hatwok," wanpela lida long Kaugan, John Korugl, i tok.

Hatwok bilong ol i save karim kaikai. Long dispela ples, dispela liklik hauslain i smat tru. Planti bilong ol pikinini bilong ol i go long ol bikskul olsem kolis na yunivesiti na i kamap ol bikpela savemanmeri.

Mista Korugl i tok hauslain i laik lukim ol pikinini bilong ol i kisim bikpela save na ol bikpela wok na helpim long kamapim – i no ples bilong ol tasol – tasol kantri tu.

Dispela kain toktok em mobeta long toktok planti manmeri long ol narapela ples long kantri i save mekim, "Wanem? Taim dispela pikinini i go wok em no inap tingim mipela. Em bai tingim famili bilong em tasol."

Rabis toktok. Em wankain toktok olsem dispela toktok ol pikinini husat i save sindaun nating na wetim ol papamama o bratasusa long peim skul fi i save tok klostu long taim bilong skul i stat. "Yu redim skul fi pinis o?" Dispela em pipia pasin.

Buk Baibel i tok, olsem ol manmeri i mas tuhat na hatwok long kisim wanem samting yu laikim.


Wanpela papagraun long ples Karkum long Sungebar long Madang provins, Benben Yaiaim, i bilip long dispela toktok, tasol em i sori olsem pasin we ol manmeri long ples Kaugan, planti tausent kilomita longwe long Madang long Hailans, i save mekim, i narakain tru long pasin bilong ol manmeri long Karkum.

"Hia, ol papamama ol yet i save tuhat na hatwok long peim skul fi bilong ol pikinini bilong ol yet. Nogat wokbung.

"Olsem na planti pikinini i no go skul.

"Planti papamama na pikinini tu i save tok nogat skul fi. Tasol sapos ol pasim tingting na wokhat, ol i ken kamapim mani long salim ol pikinini i go long skul o go skul," Mista Yaiaim i tok.

Ol i mas luksave olsem skul em i bikpela samting. Sapos ol i no luksave long dispela, mi sori long mipela em i tok.




Dispela tripela yangpela meri em Celina Doli, Carol Malan na Roslyn i painim ol drai kokonas long Nagada plentesen klostu long Madang taim Wantok i bungim ol. **Foto: JAMES KILA**

PLES PIKININI:

Ol pikinini bilong ples Alkena long Isten Hailans provins i amamas tasol long kisim poto taim Wantok i bungim ol.





NATIONAL CAPITAL DISTRICT COMMISSION

TAMBU LONG SALIM BUAI LONG PABLIK PLES INSAIT LONG MOSBI

1. TAMBU LONG SALIM LONG STRIT NA PABLIK PLES.

Stat long namba wan de bilong mun Januari, 2009 bai i gat tambu long salim buai long pablik strit o pablik ples na ol maket insait long Siti, Port Moresby. Em i no isi long wokim. Tasol isi, isi, bai NCDC i rausim olgeta Buai Selas long pablik strit, bas stop na ol buai maket i stap long pablik ples o area insait long Siti.

2. HAUS NA BANIS BILONG YU YET I ORAIT.

I nogat tambu long yu salim buai na daka long haus bilong yu, stoa bilong yu o banis bilong yu yet. Tasol long pablik strit, arere long stoa, insait na autsait long maket em bai nogat olgeta. Dispela wei bai ol Buai Sela yet i klinim banis bilong ol na i no putim hevi long NCDC long klinim pipia bilong ol.


3. SPETIM BUAI, SIK TB NA HIV/AIDS.

Dispela tambu i kamap bikos ol Buai Selas yet i asua. Ol i no laik helpim NCDC na yumi olgeta long lukautim strit and Siti bilong yu. Ol i salim buai long olgeta hap na ol Kastomas bilong ol i spetim buai long olgeta hap na tromoi pipia o skin buai long olgeta hap. Dispela i bagarapim piksa na gutpela sindaun insait long City. Na tu i givim bikpela hatwok and westim bikpela mani tru long NCDC klinim pipia bilong ol na ol Kastomas bilong ol. Antap long dispela, Spet Buai tu i wok long helpim long spreadim sik TB insiat long Siti. Insait long Bikpela Haus Sik bilong yumi long Taurama, planti moa sik manmeri i go long Haus Sik bikos long TB. Na tu, planti moa manmeri na pikinini i gat HIV/Aids i wok long dai bikos long TB.

4. TAMBU EM ASUA BILONG OL BUAI SELA YET.

Taim mi kamap Gavana, wanpela nambawan samting mi wokim em mi rausim ol Informal Sekta Inspectas long strit bilong yumi. Mi laik helpim ol pipol bilong yumi long wokim mani long lukautim ol yet na famili bilong ol. Mi ting taim mi wokim olsem bai ol pipol bilong yumi i amamas long mi na helpim mi long lukautim na klinim strit bilong yumi. Tasol nogat. Ol manmeri i laik NCDC i harim tok bilong ol na oraitim ol long wokim long laik bilong ol na bekim, nogat sore or wari long hamas mani na hatwok NCDC i wokim na spendim long klinim pipia bilong ol.

Ol buai Selas na Kastomas bilong ol i no save peim tax long NCDC. I no olsem ol arapela maket lain we ol i save peim fee



HON. POWES PARKOP LLB LLM MP - Gavana.

taim ol i salim kaikai na ol samting long maket. Ol Buai Sela i salim buai long olgeta hap na NCDC i no inap long chargin ol long tax o fe. Tasol NCDC yusim planti pablik mani long klinim pipia bilong ol. Dispela i no rait na nau NCDC Bod i stopim o tambuim nau.

DISPELA TAMBU BAI I STAP INAP PIPOL BILONG YUMI I SENISIM PASIN BILONG OL LONG SPET NAMBAUT NA TROMOI PIPIA NAMBAUT.

I NO GAVANA NA NCDC I RAUSIM BUAI SELAS LONG STRIT. EM BUAI SELAS NA KASTOMA BILONG OL YET I RAUSIM OL LONG STRIT BILONG YUMI. EM ASUA BILONG OL YET

5. BUAI TAMBU I NO NUPELA SAMTING.


DISPELA KAIN TAMBU LONG BUAI I STAP LONG LAE, GOROKA NA MT HAGEN. EM I NO NUPELA SAMTING. OLSEM WANEM NA DISPELA TAMBU I NO INAP STAP LONG MOSBI. YUMI SAVE GIVIM PLANTI ESKIUS TUMAS. YUMI YET INO LAIK HARIM TOK O HELPIM GAVMAN LONG HELPIM YUMI. YUMI LAIK KISIM, KISIM TASOL O LAIKIM GAVMAN ORAITIM, ORAITIM TASOL NA BEKIM, NOGAT MANMERI I LAIK HELPIM GAVMAN LONG HELPIM YUMI OLGETA.

ANINIT LONG MAMA LO BILONG YUMI, MANMERI I GAT RAIT NA FRIDOM. TASOL MAMA LO BILONG YUMI TU I TOK OLSEM YU MAS YUSIM RAIT BILONG YU GUT. I GAT LIMIT O ARERE LONG RAIT NA FRIDOM. SAPOS YU NO YUSIM GUT NA BAGARAPIM RAIT O FRIDOM BILONG OL ARAPELA LAIN, DISPELA RAIT O FRIDOM BILONG YU I KEN RAUS O DAUNIM. OL BUAI SELAS BILONG YUMI YET I NO LUKAUTIM DISPELA RAIT BILONG OL GUT OLSEM NA NCDC BOARD NAU I RAUSIM OL.

HON. POWES PARKOP LLB LLM MP Gavana.

Oi biknem ben bai pairapim Kimbe taun

Glasim
Musik
Wantaim
JK



ROKUS: Solo atis, Rokus tu bai pilai long Kimbe taun.

OL MANMERI i wok long sigirap long stap insait long ol resis we planti ol kampani i wok long kamapim long nupela yia.

Long Kimbe long Wes Nu Briten provins, ol ben na musikmanmeri bai helpim wanpela skul kamapim mani long sapotim ol wok bilong skul bilong ol.

Dispela wiken long wel pam provins, wanpela ben bilong Mosbi wantaim sampela biknem musikmanmeri bai raun i go long

hap na kamapim wanpela bikpela so. Dispela em bai olsem wanpela bung long amamasim gen nupela yia na bungim mani tu long sapotim wanem laki elementeri skul i kisim luksave long kisim dispela mani.

Oi manmeri i go pas long kamapim dispela so i bilip olsem planti manmeri tru – namba mak olsem ol manmeri husat i bin kamap long ol so bilong ol musikmanmeri olsem Oshen, Patti Doi, Anslom, na ol ben olsem Barke

na Twin Tribe i pilai, long pinis bilong 2008.

Ferdinand Kamisium o Coral Springs i wokbung wantaim ben bilong Kimbe Ecess long kukim dispela taun. Ecess ben i hot yet bihain long em i pilai long ol Niugini Ailan nait long Lae, Madang na Mosbi.

Las wik mi bin stori long so bilong Anslom na nupela albam bilong em Radaaz, Rabaul Dust. Radaaz ben i bin pilai wantaim Anslom long dispela so. Radaaz

ben em Ecess tasol. Taim ben i save pilai wantaim Anslom, ol i save kolim ol yet Ecess, na taim ol i pilai ol yet, ol i kolim ol yet Radaaz.

Wanpela bilong ol man husat i go pas long kamapim so long Kimbe long dispela wiken, Rokas Tommy Jnr, i tok ol manmeri i amamas long lukim dispela so i kamap na helpim wanpela skul bungim mani.

"Mipela i no makim yet wanem skul bai kisim dispela sapot long

2009, tasol mipela bai mekim disisen bihain long mipela toktok wantaim ol sponsa long dispela so," em i tok.

Oi sponsa em Music Event Company, Kimbe Lodge, BEMRJ, na sapot tu i kam long Yumi Yet Executive Car Rental, SP Brewery na Yumi FM.

Kos bilong tiket em K20 sapos yu baim bipo long so. Sapos yu baim long get long nait bilong so, kos bai K25.

Painim Tok!

Raitim daun wanem pani samting yu ting i gutpela insait long babol long poto...



BAI YU WINIM WANPELA WANTOK T-SIOT O LAPLAP!

Selim i kam long: Pani Toktok Kompetisen, P.O. Box 1982, Boreko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o lapiap na bai mipela i putim i go insait long pepa.

Nam:..... Adms:.....


Yu baim Wantok niuspapa long wanem hap:

(Rot, Maket, Stua).....

Katim long hia

Painim Tok!

Raitim daun wanem pani samting yu ting i gutpela insait long babol long poto...



Em tru ya!
Sapos nogat olgeta bai yumi slip long we? Mi wari ya!

Yumi wet, wet na klostu tudak nau. Nogat wanpela PMV kam ya!

BAI YU WINIM WANPELA WANTOK T-SIOT O LAPLAP!

Selim i kam long: Pani Toktok Kompetisen, P.O. Box 1982, Boreko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o lapiap na bai mipela i putim i go insait long pepa.

Wina bilong Painim Tok pilai em:

William Numbrea - P.O. Box 978, Wewak

Ringim Fon: 325 2500 na askim long Allan Tolire long prais bilong yu!

Katim long hia

YUMIFM Radio Program

Program bilong Wanwan De - Mande - Fraide

6am - 10am - Sankamap show - Host: KAS T
 6:15am - Komuniti Notis Bod
 6:30am - Nius Hetlains / Bondei grilings
 Trukai Rais - GES FAIA KOMPETISEN
 6:45am - Niuspepa Hetlains
 7:00am - Major Nius Bulletin - YUMIFM Nius Senta
 7:15am - Toktok sapotim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta

9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN
 9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tündet, Fondei) TOKAUT TOKSTRET

2:45pm - YUMI PAINIM WOK Segment
 3:00pm - Nius - YUMIFM Nius Senta
 3:10pm - Avinun cruz
 4:00pm - Nius - YUMIFM Nius Senta
 4:10pm - "FOAPELA KAM GUID LONG 4"
 4:30pm - Nius Hetlains
 4:45pm - YUMI PAINIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)

Musik / Request / Tok pilai
 Kipim Kampani long ol nait shift.
Weekend Shift - Saturday & Sunday
 6:00am - 11:00am - Wiken Sanrais
 6:30am - Komuniti Notis Bod - Bondei grilings
 7am - 9am - Wiken Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Turner (KAS.T) Arifeae - Team Leader / Program Director
 Angra KENNEDY - Senior Announcer
 Sinimil (Vaviesie) Philipo - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

Raun wantaim Wantok Lapun ben i gat Kik, Barike laitim Manus

Nicky Bernard i raitim

Yumi planti ting olsem ol bai no inap kam bek gen, long sajt bilong ol musik insait long Kantri bilong yumi Papua Niugini.

Sampela i harim olsem ol i wok long kam bung isi isi gen, long kirapim gen ben bilong ol.

Manus i bin lait taim ol i harim olsem Barike ben i stap long Taun, sampela i stap long ples tu ol kisim kanu kam long taun.

Ol boi Kavieng na Rabaul i go long Manus na pilai long tupela bikpela

klab long Lorengau.

Rodney Pokapin, wampela long ol yangpela musik man bilong Manus, i bin kisim ol go long pilai.

Rodney tu i gat liklik studio o ples bilong kat ol musik we em na leit John Wong i setim.

Em tok em i kisim ol, kam long Manus, long bihainim mak bilong wampela memba bilong ol, John Wong husat i dai long yia i go pinis.

Barike ben i kisim Anselom tu long dispela liklik raun bilong ol long Manus, Anselom i no nupela long hap, em i bin go pilai long sampela

yia i go pinis.

Barike ben i lusim wampela memba bilong ol long yia i go pinis, tasol dispela i no stopim tingting bilong long kam bek long musik indastri.

Planti bilong yumi save laikim singsing na musik bilong ol, maski ol musik

bilong ol long bipo tasol save kam gut long iau bilong yumi.

Dispela yia ol bai gat sampela moa ples long pilai, ol i stat nau long Manus na bihain long sampela hap moa province.



REDI: Juan Low (lephan), Kabu Rita (namba tu long raitan), na Glen Low (raitan) i redi long pairapim Kimbe.

93FM YUMIFM NATIONAL WEEKLY HIT PARADE

SPONSOR: DIGICEL *bikpela, strongpela moa network*
 Produced & Hosted by: KAS. T
STATISTICS: PAPA RAEGS & YUMIFM POROMAN CREW

Date Ending: Saturday: 17th January 2009

W/S	L/W	T/W	SONG	ARTIST
6	8	1	Radax	Radax & Anslom
5	5	2	Meri Morobe	Skwatas
4	4	3	Tolabit	Radax & Anslom
1	1	4	Kisim Wara	Kanda Products
2	2	5	Mateji Kawas	Skwatas
8	8	6	Lalagasi	Sharry
7	7	7	Ta'ama	Sharry & O'shen, Paeva, Rene
12	9	8	Snaside	Texas Allan
3	3	9	O Lara	Tasias
17	15	10	Bilas Peles	Texas Allan
10	10	11	Take me to Paradise	Skwatas
9	11	12	Pulemasi	O.N.E.T.O.X
13	13	13	7 Solid Years	K Dupson
11	14	14	Actin Boy	Fag-isa
14(4)	12	15	Lctem mi go	Funky 'n' Roshet & Sharry
16	16	16	Isabela	Rahlon
15	17	17	Stasha	Leonard Kania
18	18	18	Loney	O.N.E.T.O.X
19	19	19	Sora Perendo	Owa Unit
20	20	20(5)	Mori Seika	Erika Jibes

In dis week: Nil

Out this week: Nil

Pulumapim askim na salim ikam:

1. Wanem felveret stesen yu save laik harim?
2. Wanem show yu save laik harim?
3. Husait em felveret Anaunsa b'long yu?
4. Wanem 5 pela singsing yu save laikim?
5. Askim na tingting b'long yu long stesen?

RADIO AUSTRALIA TOK PISIN PROGRAM
 HARIM LONG: 101.9 FM

Radio Australia Tok Pisin Program - MANDE

Moning - Nait	Stesen Op - Nius Hetlain - Musik na ol intawu
6AM	Nius na Karen Ales
6:30AM	Stesen Pas
7AM	Stesen Op
7:01PM	Oi Hetlain na Program Privu
7:15PM	Spots
7:30PM	Nius na Karen Ales
8PM	Helt
8:15PM	Musik
8:30PM	NIUS
8:40PM	Spots Riplei
8:55PM	Musik
9PM	Stesen Pas

TUNDE Moning - Nait	Stesen Op - Nius Hetlain - Musik na ol intawu
6AM	Nius na Karen Ales
6:30AM	Stesen Pas
7AM	Stesen Op
7:01PM	Oi Hetlain na Program Privu
7:15PM	Musik na Chit-Chat
7:30PM	Nius na Karen Ales
8PM	Mama Graun
8:15PM	Musik/Spots
8:30PM	NIUS
8:40PM	Helt Riplei
8:55PM	Musik
9PM	Stesen Pas

TRUNDE Moning - Nait	Stesen Op - Nius Hetlain - Musik na ol intawu
6AM	Nius na Karen Ales
6:30AM	Stesen Pas
7AM	Stesen Op
7:01PM	Oi Hetlain na Program Privu
7:15PM	Musik na Chit-Chat
7:30PM	Nius na Karen Ales
8PM	Mama Graun
8:15PM	Musik/Spots
8:30PM	NIUS
8:40PM	Helt Riplei
8:55PM	Musik
9PM	Stesen Pas

FONDE Moning - Nait	Stesen Op - Nius Hetlain - Musik na ol intawu
6AM	Nius na Karen Ales
6:30AM	Stesen Pas
7AM	Stesen Op
7:01PM	Oi Hetlain na Program Privu
7:15PM	Musik na Chit-Chat
7:30PM	Nius na Karen Ales
8PM	Youth
8:15PM	Musik/Spots
8:30PM	NIUS
8:40PM	Focus Riplei
8:55PM	Musik
9PM	Stesen Pas

FRAIDE Moning - Nait	Stesen Op - Nius Hetlain - Musik na ol intawu
6AM	Nius na Karen Ales
6:30AM	Stesen Pas
7AM	Stesen Op
7:01PM	Oi Hetlain na Program Privu
7:15PM	Musik na Chit-Chat
7:30PM	Nius na Karen Ales
8PM	Wantok
8:15PM	Musik
8:30PM	NIUS
8:40PM	Youth Riplei
8:55PM	Musik
9PM	Stesen Pas

SARERE Nait	Stesen Op - Oi Nius Hetlain/Program Privu
7PM	Musik na Chit Chat
7:05PM	Musik na Chit Chat
7:30PM	Nius
7:40PM	Femil Blong Sarah (Radio Piai)
8PM	Lukluk Bek Long Wik
8:30	PM Nius
8:40	PM Musik/Chit Chat
9PM	Stesen Pas

SANDE Nait	Stesen Op - Oi Nius Hetlain/Program Privu
7PM	Musik na Chit Chat
7:05PM	Musik na Chit Chat
7:30PM	Nius
7:40PM	Femil Blong Sarah (Radio Piai)
8PM	Lukluk Bek Long Wik
8:30	PM Nius
8:40	PM Musik/Chit Chat
9PM	Stesen Pas

EM TV TV GAID

(Programs & Times may be subject to change)

FONDE JANUERI 15, 2009

5.29AM	STATION OPEN
5.30AM	G TODAY
9.00AM	G MALOLO CLUB
School holiday specials to keep kids during the holidays: cartoon Rockie and Her Friends, Go Diego, Go; Kid's series Cybershak and Tmeblazers; Rock Eisteddfod; Christmas specials; Movies Shrek 1 & 2, Racing Stripes	
11.00AM	EMTV PRIME TIME LINE UP
12NOON	G 1ST TEST: AUSTRALIA vs SOUTH AFRICA - DAY 2, from the Wacca, Perth.
2.30PM	G THE CRICKET SHOW
3.00PM	G AUSTRALIA vs SOUTH AFRICA continues....
6.00PM	G NATIONAL EMTV NEWS
6.30PM	G AUSTRALIA vs SOUTH AFRICA continues
7.29PM	G NEWS UPDATE IN TOK PISIN
6.30PM	G TEMPTATION

Hosts Ed Phillips and Livinia Nixon host a new series of Temptation.

7.30PM	G TOTAL RUGBY
7.27PM	G EMTV TOK SAVE
8.30PM	PG AFTERBURN
9.00PM	M THE STRIP*Series Premiere**
- A new Crime Drama Series, The Strip - centres on the Criminal Investigation Bureau (CIB), a small and elite of detectives who investigate the major crimes in Australia's playground of excess. Stars: Aaron Jeffrey & Frankie J. Holden.	
10.00PM	M UNDERBELLY
Australian drama series about the true story of the 10 year gangland war that shocked Australia. Stars Vince Colosimo, Rodger Corser, Caroline Craig and Frankie J. Holden.	
11.00PM	G EMTV NEWS REPLAY
11.30PM	Australia Network

FRAIDE JANUERI 16, 2009

5.00AM	G JOYCE MEYER
5.30AM	G TODAY
9.00AM	G MALOLO CLUB (Final)

School holiday specials to keep kids during the holidays: cartoon Rockie and Her Friends, Go Diego, Go; Kid's series Cybershak and Tmeblazers; Rock Eisteddfod; Christmas specials; Movies Shrek 1 & 2, Racing Stripes.

11.00AM	EMTV PRIME TIME LINE UP
12.59PM	STATION OPEN
1.00PM	G ONE DAY SERIES (Live) AUSTRALIA vs. SOUTH AFRICA
Venue: MCG, Melbourne.	
5.00PM	G THE SHAK
5.30PM	G AUSTRALIA vs. SOUTH AFRICA (Live)
6.00PM	G NATIONAL EMTV NEWS
6.30PM	G AUSTRALIA vs SOUTH AFRICA continues....
8.57PM	G EMTV TOK SAVE
9.00PM	G TEMPTATION
9.30PM	PG FRIDAY NIGHT MOVIE: PRACTICAL MAGIC
(1998) Sandra Bullock and Nicole Kidman star as two sisters who try to use their hereditary gift of witchcraft to help them find love. Also stars Dianne West and Alden Quinn.	

11.30PM Australia Network

SARERE JANUERI 17, 2009

10.59AM	STATION RE-OPEN
11.00AM	PG THE MUSIC JUNGLE (final)
1.00PM	G THE GARDEN GURUS
EXPLORE PILBARA - 1-hour special	
2.00PM	G TE RIBANA
3.30PM	G LOVE PATROL
4.00PM	G TOTAL RUGBY
4.30PM	G THE CAR SHOW
5.00PM	G TEST DRIVE
5.30PM	G SPEED MACHINE
6.00PM	G NATIONAL EMTV NEWS
6.30PM	PG AUSTRALIA'S FUNNIEST HOME VIDEO SHOW
7.27PM	EMTV TOK SAVE
7.30PM	PG THE SIMPSONS
8.30PM	PG THE WORLD AROUND US: MIRACLES OF JESUS, Part 2 - In Part 2 Ragueh Omaar explores some of Jesus' more controversial miracles: an exorcism of a violent man possessed by many demons; the

healing of the blind; and a stilling of an unexpected storm. As Ragueh makes his way across Israel, he attempts to find out whether these miracles can tell us who Jesus was. He travels to the places Jesus lived and examines the Bible.

SANDE JANUERI 18, 2009

9.30PM	PG THE DAME EDNA TREATMENT
10.30PM	G THE KING OF QUEENS
11.00PM	G NEWS REPLAY
11.00PM	G NEWS REPLAY
11.30PM	Australian Network

L	E	B	N	A	W	I	G	P	E	S	A	M	A	M	A	
D	O	M	O	I	B	S	N	A	N	I	S	A	P	L	U	T
H	K	T	R	E	M	U	B	O	N	R	A	T	N	F	S	O
E	B	G	U	T	B	A	I	G	U	K	L	O	N	M	I	K
P	E	T	U	K	F	D	S	A	I	M	F	R	R	S	K	P
I	V	N	M	O	L	I	P	L	E	V	U	I	S	D	A	R
N	W	D	L	A	N	E	J	I	M	T	I	K	D	R	O	O
U	L	A	E	G	B	E	B	O	P	I	U	M	I	O	W	M
Y	F	U	M	N	T	I	K	M	E	N	S	A	B	P	R	I
I	G	N	L	P	O	N	F	Y	I	U	P	E	G	E	R	S
A	N	I	T	U	A	M	E	R	I	T	O	L	A	N	L	T
N	U	M	E	M	W	I	N	M	A	N	U	T	U	R	I	I
E	B	K	O	P	F	A	M	I	L	I	M	A	N	T	U	S
R	K	R	H	U	L	K	S	W	U	N	D	A	Y	U	M	I
S	O	O	R	E	R	I	M	N	S	N	E	D	B	O	K	N
P	W	S	A	F	I	A	M	K	I	P	O	L	E	S	N	A
F	A	I	A	W	O	K	S	S	M	S	I	L	O	P	U	D

Painim ol dispela nem na toktok:

FAIAWOKS	AMAMAS	LOTU	KAIKAI	DANIS	SINGSING
FAMILI	HEPI NU YIA	PASIN	LUSIM	WANBEL	SINDAUN
POROMAN	POLIS	SINGAUT	MUSIK	PAIRAP	TOK
AUTIM BEL	DAUNIM KROS	GIVIM BEL	GUTBAI	BUNG	
WOKBUNG	PROMIS				

5	3			7	1		2		
		7			5		6		
2				6	3	4	7		
		4		2					8
	6	5				7	9		
7				9	5				
	1	3	7	5					6
	7		1		2				
	5		6	4			1	7	

Ol Ansa bilong las wik Isu...

5	6	8	1	7	9	4	3	2
9	3	4	8	6	2	7	1	5
7	1	2	5	4	3	6	9	8
6	8	5	9	2	7	3	4	1
1	9	7	4	3	8	2	5	6
4	2	3	6	1	5	8	7	9
8	5	6	3	9	4	1	2	7
2	4	1	7	5	6	9	8	3
3	1	9	2	8	1	5	6	4

A	E	O	S	I	N	E	R	E	L	E	O	P	N
A													
A													
R	E	T	A	W	E	T	L	E	A	P	R	I	
K	E	F	E	R	T	K	O	S	A	N	U	T	A
T	R	A	N	A	R	W	E	T	S	K	A		
U													
K	E												
O	L												
N	S												
R	A	D											
D	R	O											

TORO



BIABIA



KANAGE



BEKIM OL DISPELA ASKIM...

ASKIM 1: Husat em dispela bipotaim singa bilong Solomon Ailan bipo?



ASKIM 2: Husat biknem singa bilong Beatles ben i dai long han bilong ol birua?

ASKIM 3: Husat em namba wan Gavana Jeneral bilong Papua Niugini?

ASKIM 3: Sir John Guise
 ASKIM 2: John Lennon
 ASKIM 1: Fred Maidola
 Ol bekim bilong Askim:



Smel

Bikpela smel i kamap long 3 mail sait hia long biksiti. Ol tok tupela kontena i stap autsait long mog i nogat ais long holim bodi bilong daiman na i wok long smel i stap. Plis ol helt otoriti i mas stretim dispela hevi hariap. Ol residen husat i stap klostu long mog i kisim taim na ol i wok long kaikai drai kaikai tasol olsem bret, bisket na skon na dring ti tasol. I hat tru long daunim ol kuk kaikai.

King taid klinap

Bikpela king taid o haiwara i kamap na ol ples olsem Hanuabada, Wanigela, Vabukori, Porebada i kisim taim stret. Wanpela poro long ples Hanuabada i wok dring bia long haus bilong em antap long sol-

wara na tromoi ol ken tin i go daun long solowara i stap. Long moning em kirap nogut long lukim olgeta ken tin i silip antap long verenda bilong em. King taid i karim ol i go bek long verenda na lusim long hap. Yeah, pipia bilong yu, kisim bek!

Konman bisnis i bikpela

Planti konman i stap long siti. I gat wanpela lapunman i save raun na priten olsem em sik na pulim win long ol man i ken lukim na sore na givim moni. Tokwin i kirap nogut long lukim dispela seim man i wok long ron spid tru olsem man i nogat sik long ketsap long bas 9 long go long Rainbow. Dispela seim man tasol sindaun gen klostu long Stop N Shop supamaketa na priten olsem em kisim asma sik na wok long askim ol manmeri long moni long em i go kisim marasin long hausik. tru tumas, yu win!

Tokwin Tasol...

TV GAID

EM TV

7.30PM	PG	SUNDAY NIGHT FAMILY MOVIE: MARCH OF THE PENGUINS (2005)	Morgan Freeman narrates this Academy Award winning documentary about the Emperor Penguins. In the Antarctic, every March since the beginning of time, the quest begins to find the perfect mate and start a family. This courtship will begin with a long journey that will take them hundreds of miles of freezing continent through brittle, ice winds, and deep treacherous waters all to find try love. (MOVIE PREMIERE)
9.30PM	PG	WIFE SWAP	
11.30PM	G	EMTV NEWS REPLAY	
Midnight		Australia Network	

MANDE JANUERI 19, 2009

5.29AM		STATION OPEN	
5.30AM	G	TODAY	
11.00AM		EMTV PRIME TIME LINE UP	
2.59PM		STATION OPEN	
KIDS KONA			
3.00PM	G	NEW MACDONALD'S FARM	

3.30PM	G	HI-5	
4.00PM	G	SHARKY'S FRIENDS	
4.30PM	G	LAB RATS CHALLENGE	
4.57PM	G	EMTV TOK SAVE	
5.00PM	G	THE SHAK	
5.29PM	G	EMTV NEWS UPDATE	
5.30PM	G	HOT SOURCE	
5.55PM	G	CRIME STOPPERS	
6.00PM	G	NATIONAL EMTV NEWS	
6.30PM	G	A CURRENT AFFAIR	
7.00PM	G	TEMPTATION (RETURN)	
7.30PM	G	TOK PIKSA...Best of 2008	
7.57PM	G	EMTV TOK SAVE	
8.00PM	PG	DOG THE BOUNTY HUNTER	Real-Life series - Duane "Dog" Chapman and his posse capture fugitives week after week in adrenaline fueled hunts in Hawaii and Colorado.
9.00PM	PG	DO IT GREEN	
9.30PM	PG	THE GIFT	
10.00PM	PG	20 TO 1: Crazy Customs	
11.30PM		Australia Network	

TUNDE JANUERI 20, 2009

4.59AM		STATION OPEN	
--------	--	--------------	--

5.00AM	G	JOYCE MEYER	Religious programme
5.30AM	G	TODAY	
11.00AM		EMTV PRIME TIME LINE UP	
2.59PM		STATION OPEN	
KIDS KONA			
3.00PM	G	NEW MACDONALD'S FARM	
3.30PM	G	HI-5	
4.00PM	G	SHARKY'S FRIENDS	
4.30PM	G	LAB RATS CHALLENGE	
4.57PM	G	EMTV TOK SAVE	
5.00PM	G	THE SHAK	
5.29PM	G	EMTV NEWS UPDATE	
5.30PM	G	HOT SOURCE	
5.55PM	G	CRIME STOPPERS	
6.00PM	G	NATIONAL EMTV NEWS	
6.30PM	G	A CURRENT AFFAIR	
6.57PM	G	NEWS UPDATE IN TOK PISIN	
7.00PM	G	TEMPTATION	
7.27PM	G	EMTV TOK SAVE	
7.30PM	PG	20 TO 1: "Pranks & Practical Jokes" (new night)	Australia's favourite entertainer, Bert Newton, hosts the ultimate countdown show, 20 to 01. Each week, Bert presents the funniest, most outrageous and most compelling countdowns ever! It's an hour of must-watch laughs, shocks and

8.27PM	G	EMTV TOK SAVE	
8.30PM	PG	EMERGENCY	Go behind the scenes at a busy hospital emergency department.
9.00PM	PG	THE WAITING ROOM	Dr Andrew Rochford hosts this reality series which explores the highly emotional stories found in the waiting rooms of some of Australia's busiest hospitals.
9.30PM	PG	SUDDEN IMPACT	Witness how car crash victims triumph over adversity. Narrated by Gary Sweet.
10.00PM	M	CANAL ROAD	Join an ensemble cast in a series about love, lies and a murder/mystery where one man seeks answers and revenge after the death of his wife and son.
11.00PM	G	EMTV NEWS REPLAY	Australia Network
11.30PM		Australia Network	

TRINDE JANUERI 21, 2009

4.29AM		STATION OPEN	
4.30AM	G	JOYCE MEYER	Religious programme
6.00AM	G	TODAY	

11.00AM		EMTV PRIME TIME LINE UP	
2.59PM		STATION OPEN	
5.55PM	G	CRIME STOPPERS	
6.00PM	G	NATIONAL EMTV NEWS	
6.30PM	G	A CURRENT AFFAIR	
6.59PM	G	NEWS UPDATE IN TOK PISIN	
7.00PM	G	TEMPTATION	
7.30PM	PG	THE WORLD AROUND US: MIRACLES OF JESUS, Part 3	In Part 2 Rageh Omaar explores some of Jesus' more controversial miracles: an exorcism of a violent man possessed by many demons; the healing of the blind; and a stilling of an unexpected storm. As Rageh makes his way across Israel, he attempts to find out whether these miracles can tell us who Jesus was. He travels to the places Jesus lived and examines the Bible.
8.27PM	G	EMTV TOK SAVE	
8.30PM	PG	WEDNESDAY NIGHT MOVIE: THE LOVE LETTER	(1999) Comedy/Drama - An emotional cellmate finds a romantic and unsigned poetic letter between the couch cushions, and thinks it's for her. It melts her resistance to feelings, and soon she undertakes an affair with a colleague employee. Stars: Kate Capshaw, Tom Everett Scott
Midnight		Australia Network	

IDD Off-Peak Rates for B Mobile & Fixedline...

Now Starting @ 8pm

MASSIVE SAVINGS

UP TO 68%

79t

offer ends 31st Jan, 2009

per min.
off-peak hrs
8pm - 6am
Mon to Sat & Whole Day Sun

FIXED LINE

Designated countries

MOBILE

1 AUSTRALIA	11 ITALY	21 SINGAPORE	1 AUSTRALIA	11 SRI LANKA
2 CANADA	12 JAPAN	22 SRI LANKA	2 NEW ZEALAND	12 MALAYSIA
3 CHINA	13 SOUTH KOREA	23 TAIWAN	3 CANADA	13 PHILIPPINES
4 GERMANY	14 MALAYSIA	24 UNITED KINGDOM	4 CHINA	14 SINGAPORE
5 HONG KONG	15 NEW ZEALAND	25 USA	5 HONG KONG	15 TAIWAN
6 INDIA	16 POLAND	26 PHILIPPINES	6 SOUTH KOREA	16 USA
7 IRELAND	17 PORTUGAL	27 FRENCH POLYNESIA	7 INDIA	17 NEW CALEDONIA
8 GUAM	18 FIJI	28 MARSHALL IS	8 GUAM	18 MICRONESIA
9 MARIANA IS	19 NEW CALEDONIA		9 MARIANA IS	19 MARSHALL IS
10 SAMOA	20 MICRONESIA		10 SAMOA	20 FIJI
				21 FRENCH POLYNESIA

THE CHEAPEST CALLS OUT OF THE COUNTRY!



TELIKOM PNG LIMITED
Always there!

For more information contact:

Mobility Sales on Telephone (675) 323 5555, Facsimile: (675) 323 2554,

Email: mobilitycc@telikompng.com.pg, Website: www.telikompng.com.pg

IDD Off-Peak Rates for B Mobile & Fixedline...

Now Starting @ 8pm

MASSIVE SAVINGS

UP TO 78%

89t

offer ends 31st Jan, 2009

per min.
off-peak hrs
8pm - 6am
Mon to Sat & Whole Day Sun

FIXED LINE

Designated countries

MOBILE

1 ALASKA	14 CROATIA	27 LEBANON	40 PERU	52 SWITZERLAND	1 BAHAMAS
2 ALBANIA	15 CYPRUS	28 LIECHTENSTEIN	41 PUERTO RICO	53 SWEDEN	2 BANGLADESH
3 ARGENTINA	16 CZECH REPUBLIC	29 LITHUANIA	42 ROMANIA	54 TURKEY	3 BERMUDEA
4 AUSTRIA	17 DENMARK	30 LUXEMBOURG	43 RUSSIA	55 HONG KONG	4 BRUNEI
5 BAHAMAS	18 ESTONIA	31 MACEDONIA (FYROM)	44 SAN MARINO	56 ISLANDIA	5 COSTA RICA
6 BANGLADESH	19 FINLAND	32 MEXICO	45 SAUDI ARABIA	57 JERSEY	6 CYPRUS
7 BELGIUM	20 FRANCE	33 MONACO	46 SERBIA	58 MONTENEGRO	7 ISRAEL
8 BERMUDEA	21 GHANA	34 MOZAMBIQUE	47 SLOVAKIA	59 NETHERLANDS	8 PUERTO RICO
9 BRUNEI	22 GIBRALTAR	35 NAMIBIA	48 SLOVENIA	60 NORWAY	9 RUSSIA
10 BULGARIA	23 GREECE	36 NETHERLANDS	49 SOUTH AFRICA	61 SPAIN	10 THAILAND
11 CHILE	24 HUNGARY	37 NORWAY	50 SWITZERLAND	62 SWEDEN	11 VIETNAM
12 COLOMBIA	25 ISRAEL	38 PANAMA	51 SWAZILAND		12 TONGA
13 COSTA RICA	26 JORDAN	39 PARAGUAY	52 SWEDEN		

THE CHEAPEST CALLS OUT OF THE COUNTRY!



TELIKOM PNG LIMITED
Always there!

For more information contact:

Mobility Sales on Telephone (675) 323 5555, Facsimile: (675) 323 2554,

Email: mobilitycc@telikompng.com.pg, Website: www.telikompng.com.pg

Tok pilai wantaim Kanage

TOK PILAI WANTAIM Braks Kanage



Kisim wara

Wanpela Sarere, i bin i gat danis long Waibine Nol Ges Haus long Banz. Dispela taim tu planti plawa bilong Banz go pulap long hap.

Ol manmeri dring na spak nabaut long ples danis. Kanage nogat mani long baim bia. Orait, em kamap wantaim wanpela tingting. Em pulapim ol emti botol wantaim wara na dring stap. Sekyuriti bos lukim olsem Kanage dring olsem 12-pela botol insait long 30 minit tasol.

Em go na holim pasim Kanage. Kanage isi tasol tokim em, "Bos, bia em bilong antap man, stim bilong ol namel man na wara, em bilong ol daunbilo man!" Bosman ya sori nating long Tok Pisin bilong Kanage na em baim tripela botol bilong em.

M Dede Hole
Tuman Upper

Kais him

Nupela yia na ol sumatin bilong klas bilong Junia Kanage makim em olsem klas kapten bilong ol.

Wanpela taim tisa givim ol wok long mekim na em go lukim het masta long opis bilong em. Olgeta sumatin sindaun isi na wok stap, tasol wanpela sumatin i no wok.

Nem bilong dispela sumatin em Simon. Simon wok long wokabout nabaut na pilai pilai long ol arapela sumatin.

Klas kapten, Junia Kanage, tokim Simon long sindaun. Simon belhat na sut han long Kanage.

Kanage blokim han bilong Simon na givim wanpela gut wan long em. Simon sindaun long as na kra. Tisa kam bek na lukim Simon kra stap na askim klas, "What happened here?" Olgeta sumatin poinim pinga long Kanage na tok, "He hit him!" Tisa tokim Kanage, "Kanage, please explain what happened?" Kanage kirap tasol na tok, "Teacher, this boy, Simon, hit mi pas. I kirap nogut and I kais him down!"

Barna Farang
Kimbe Oil Palm

Marylou

Kanage em wanpela man bilong pilai hos olgeta wiken. Wanpela Sande em sindaun kaikai buai na smuk stap na meri bilong em isi tasol kam long baksait bilong em na paitim baksait bilong em wantaim sospen.

Kanage kirap nogut na singaut nogut tru. Em bikmaus long meri bilong em, "Agnes, yu paitim mi long wanem?" Meri belhat wantaim na tok, "Em

bilong hap pepa mi painim insait long trausis bilong yu wantaim wanpela nem, Marylou!" Kanage pilim pen yet na em bekim, "Las wik mi go long hos resis long 6 Mail, mi bet long wanpela hos na nem bilong em Marylou." Meri bilong em tok sori na tupela stap orait gen. I no longtaim, olsem tripela de bihain, meri ya paitim Kanage gen wantaim wanpela bikpela sospen.

kaikai sampela kaikai bilong ol wait-man.

Ol wantok bilong em kisim em long ples balus na kisim em go long haus. Narapela anti ya pairap long haus kuk stap. Kanage pasim tingting tasol na daunim spet stap.

Kaikai redi na ol go insait long kaikai. Kaikai smel nais tru na anti ya karamapim ol pot. Ol pre pinis na ol sindaun redi long kaikai.

Kanage go disko long Waibine No.1 Ges haus long Banz. Em nogat mani long baim bia. Orait, em kamap wantaim wanpela tingting. Em pulapim ol emti botol bia wantaim wara na dring stap. Sekyuriti bos lukim olsem Kanage daunim 12-pela botol insait long 30 minit tasol.

Em go na holim pasim Kanage. Kanage isi tasol tokim em, "Bos, bia em bilong antap man, stim bilong ol namel man na wara, em bilong ol daunbilo man!" Bosman ya sori nating long Tok Pisin bilong Kanage na em baim tripela botol bilong em.



Wina bilong dispela wik Kanage em:
M Dede Hole - Tuman Upper
Plis ring i kam long Fon: 325 2500 na askim long
Allan Tolire long kisim prais bilong yul

Kanage kisim taim stret na isi tasol sanap na askim meri bilong em, "Yupela! Yu laik kilim mi wantaim ol sospen o? Yu paitim mi gen long wanem?" Meri go insait long haus kuk na kam ausait wantaim sospen long wanpela han na wanpela pot long arapela han. Em lukluk strong long Kanage na tok, "Hos ya yu bin bet long en i ring na askim long yul!" Kanage winim spit bilong hos na tekop.

Ol Mau
9 Mile

Kaukau em kaikai

Kanage em bilong Hailans na em man bilong kaikai kaukau wantaim gris pik. Wanpela taim em pilim les long kaikai kaukau na go raun long Australia long

Taim ol opim ol pot, wanpela pot em kaukau tasol. Anti ya tokim Kanage, "Yu i mas misim kaikai bilong ples stret ya!" Kanage isi tasol kisim kaikai bilong em na sindaun.

Em lukim kaukau na tok, "Oloman, yu dispela kaukau ya mi lusim long ples kam long hia na yu painim mi yet!" Kanage kaikai ol arapela kaikai na lusim kaukau stap.

Alexius S
Kimbe

Skelim Tok Inglis

Wanpela meri Yauro go stap long Australia i go na kam bek long ples bilong em. Taim em i kam bek long ples, em i gat bel. Em nau ol bikman long ples i bung na sindaun toktok long painim aut husat i givim em bel.

Taim ol bikman i askim meri ya, em i no

toktok. Long wanem meri ya i no save long tokples na Tok Pisin, em save long Tok Inglis tasol.

Ol i askim i go nogat na Kanage kirap na askim meri ya, "Who bel yu?" Taim ol bikman i harim Kanage i tok olsem, ol i holim pasim bel bilong ol na sindaun stap. Mekim na meri Yauro ya sem pipia stret.

Madang
Madang Province

Yu i mas rongrong ya!

Kanage raun long Eriku long Lae i stap na em i harim sampela man i singaut "Oyo...ol ari yet." Dispela em taim ol i lukim ol yangpela meri Buang i pulim longpela lain na raun stap.

Kanage harim olsem na kros olgeta, long wanem em i ting ol i paul na kolim nem bilong ples bilong em long Ali ailan long Wes Sepik provins.

Boi go tasol na askim wanpela man i sanap poromanim Papindo stua stap. "Brata, ol lain ya i kolim Ari, em long Wes Sepik.o?" Em nau man ya i go na askim ol Buang.

Wanpela bilong ol i kam tasol na tokim Kanage, "Oroman, ating yu mas rongrong ya. Ari em i kantri sait bilong ol Buang ya."

Lae
Morobe Provins

Feveret ya feveret

Wanpela Fraide nait Kanage pilai laki wantaim ol wantok bilong em long Sandaun kem long Madang. Long wankain taim tu i gat danis long Raikos kem.

Kanage pilai laki go na harim olsem ol musik tasol i wok long kamap long danis. Kanage harim dispela ol wankain musik i go na belhat nogut tru.

Em nau em kirap na tok "Yupela, ol Raikos ya wok long pilaim tasol ol referens musik bilong ol, na ai bilong mi laik slip nau." Ol wantok bilong em harim olsem na kaikai graun long wanem Kanage laik tok feveret na em i abrus na tok referens.

Wewak
Is Sepik Provins

Salim ol 'Tok Pilai
wantaim Kanage" na
winim wanpela Kanage

T-Siot!!

P.O. Box 1982,

Boroko, NCD

Papua New Guinea

Emel: atolire@wantok.com.pg

PEN PREN



Salim i kam long:
P.O. Box 1982
Boroko, NCD
Papua New Guinea



NEM: Abel Mainea
KRISMAS: 18 (man)
ADRES: Kikori Secondary School, P.O. Box 25, Kikori, Gulf Province
SAVE LAIKIM: Pilai volibol, basketbol, soka, basketbol, tok pilai, harim musik, ritim buk na raitim pas.

NEM: Ernestina Quansah
KRISMAS: 25 (meri)
ADRES: P.O. Box 493, Ghana, West Africa
SAVE LAIKIM: Swim, Lukim TV, Pilai spot, danis, na raitim pas.

NEM: Semi Wårre
KRISMAS: 23 (man)
ADRES: P.O. Box 5742, Boroko, NCD
SAVE LAIKIM: Ritim buk, lukim TV, harim musik na mekim pren.

NEM: Jotty Loup
KRISMAS: 20 (man)
ADRES: P.O. Box 2905, Lae, Morobe Province
SAVE LAIKIM: Pilai soka, volibol; harim musik na wokim wok long haus.

NEM: Ridoh Ladim
KRISMAS: 15 (meri)
ADRES: Mercy Secondary School, P.O. Box 580, Wewak, ESP
SAVE LAIKIM: Ritim buk, go lotu, mekim pren na lukim TV.

NEM: Joyce Tore
KRISMAS: 15 (meri)
ADRES: Iki Poenße, P.O. Box 683, Mt Hagen, WHP
SAVE LAIKIM: Ritim buk, lukim TV, swim na tok pilai.

NEM: Even Dalu
KRISMAS: 15 (man)
ADRES: St Josephs Tari Secondary School, P.O. 18, Tari, Southern Highlands Province
SAVE LAIKIM: Pilai gita, harim musik, raitim pas, lukim TV na go lotu.

NEM: Kiyu Daba
KRISMAS: 26 (man)
ADRES: RD Tuna Cannery Ltd, P.O. Box 2113, Madang Province
SAVE LAIKIM: Harim musik, raitim pas, mekim pren na go lotu.

NEM: Ted Pilag
KRISMAS: 22 (man)
ADRES: Bemal Primary School, P.O. Box 2103, Transgogol, Madang Province
SAVE LAIKIM: Pilai gita, kukim kaikai na lukim TV.

NEM: Leoni Pilag
KRISMAS: 23 (meri)
ADRES: Bema Primary School, P.O. Box 2103, Transgogol, Madang
SAVE LAIKIM: Pilai spot, pilai gita, go lotu na raitim pas.

Man long mun marit long graun

LONG bipo bipo tru, man bilong mun i kam daun long graun na i marit. Em i bin i gat tupela pikinini meri tasol.

Wanpela i maritim man tru na narapela i maritim tupela moran snek. Meri i maritim man tru i save stap long ples na em i save stap gut.

Wanpela de, dispela meri i kisim sarip na i wok long wok arere long haus i go i go na em i katim snek bilong graun na em i laik traat. Em i tokim pikinini bilong em long askim papa bilong em long buai.

Taim pikinini i go tokim papa bilong em, em i tok nogutim pikinini wantaim mama bilong em. Pikinini i go tokim mama bilong em.

Tarangu mama ya harim olsem na em i wari. Em i holim pasim pikinini bilong em na krai long em. Em i tokim em long noken tokim papa olsem ol bai ronawe-long em. Mama i redim olgeta samting long nait yet.

Tupela i slip tasol i no tulait yet na ol i lusim haus i go long rot.

Long rot, ol i bungim wanpela meri husat i askim ol we ol i go long en. Na taim ol i tok wanem hap ol i go long en, em i askim ol sapos em i ken bihainim ol. Tupela i tok orait long em i bihainim ol, tasol ol i no save olsem em i wanpela tewel meri.

Ol i go na i go inap ol i kam long wanpela wara na ol i tingting long malolo na banisir wara na kisim sampela pis pastaim.

Ol i banisim pinis wara na tewel meri i tokim meri tru tru long go daun long wara pastaim na kisim ol kindam.



Taim em i tromoim pis i kam antap, tewel meri i wok long kaikaim ol kindam i stap. Em i wok long kaikaim skin, sua na kus bilong mangi na em i wok long krai krai tumas.

Taim mama i kam antap, em i luksave pinis olsem dispela em tewel meri i bihainim ol.

Nau meri tru tru i tokim tewel meri long go daun na painim ol pis na kindam taim em i kam antap. Tasol hariap stret, meri tru tru i rausim banis na tait wara i kam na karim tewel meri ya i go.

Orait, meri tru tru na pikinini i

go kamap long wanpela bikpela wara na singaut long kandere bilong meri tru tru long kam na kisim ol i go long ples.

Tupela mama na pikinini i stori long kandere na tokim em olsem em bai kam yet bihainim ol.

Na kandere i tok sapos em i kam, ol i mas singautim em na em bai kisim em i kam. Tasol namel long wara, em bai saitim kanu na tupela i go daun wantaim.

Em i tok sapos em i spetim blut, dispela i min olsem em i kilim dai tewel meri ya na taim

yupela i lukim olsem, yupela i ken amamas.

Olgeta samting i kamap olsem ol i toktok long en, taim tewel meri i singaut, kandere i go kisim em. Na namel long wara, kandere i saitim kanu na tupela tewel meri i go daun na olgeta samting i stret.

Bihain long kandere i kam sua, ol i wokim bikpela kaikai na ol i amamas na ol i stap na stap olgeta.

Stori i kam long Dalkey Masu, Dafun Pasij Madang provins.

Pimpul pulap long pes bilong mi

Dia Laiplain,

Mi wokim gret 9 na hevi bilong mi em mi gat planti pimpel o ol liklik solap long pes bilong mi. Mi wari bikos mi no save bai mi stopim dispela olsem wanem?

Ol narapela yangpela man olsem mi i save i gat dispela kain hevi?

Inap yupela i helpim mi?


Mi pren bilong yu i stap wantaim wari.

Dia Pren,

Tenkyu long autim wari bilong yu wantaim mipela. Em i soim olsem yu wari long bodi bilong yu na yu laik wokim samting long stretim.

Ol yangpela olsem yu i gat ol senis i kamap long bodi na long wankain taim tu, bungim ol senis long tingting na "emotional" long sait bilong laik pasin, kros o amamas.

Long sait bilong saiens, ol dokta i tok ol dispela kain senis i kamap bikos bodi bilong yu i wok long develop na ol kain senis i mas kamap long yu. Ol



i kolim dispela "puberty" senis.

Gutpela nius em taim yu gat 18 krismas, dispela ol pimpel bai pinis.

Lukim lista daunbilong long sampela samting yu ken mekim long stopim ol pimpel i kalap i go moa long pes na long helpim yu gat gutpela skin:

1-Waswas planti wantaim sop na wara - olsem 3-pela na 4-pela taim long wanpela de. Yusim SAPODERM SOP.

2-Long Kemis o Famasi, askim long marasin we bai draitim ol pimpel. Ol kain marasin olsem CLEARASI o ACNACYL o ol narapela we kemis bai tokim yu long en. Wanpela gutpela losen we yu ken baim em BETADINE.

3-Noken brukim o traim long rausim wara bilong em wan-

taim pinga long wanem taim yu mekim olsem, pimpel bai go long ol narapela hap bilong pes.

4-Kisim inap malolo olgeta nait, dring planti wara na kaikaim planti prut na ol grinpela lip kumu long kaikai bilong yu.

5-Ol kaikai i gat planti fat o gris na ol swit kaikai bai kamapim ol pimpel na olsem, traim na noken kisim ol dispela kain kaikai.

Las long em, mipela i no klia long jeneral fisikel kondisen na sapos sampela kaikai i save mekim skin bilong yu i skrap na ol arapela moa hevi yu gat long en long kaikai na ol arapela moa. Sapos yu laikim moa helpim, i gutpela yu go lukim dokta o long helt klinik klostu long yu.

Mipela i pre olsem bai God i givim yu gutpela tingting na bai yu daunim wari bilong yu.

Pren bilong yu

Laiplain

Sapos yu gat wari, rait i kam long Lifeline, P.O. Box 6047, Boroko, NCD. Telepon: 326

0011. Raitim trupela nem na adres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laiplain

Sapos yu gat wari o hevi, rait i kam long Lifeline, P.O. Box 6047, Boroko, NCD. Yu ken ringim mipela tu long telepon namba 326 0011.

Raitim trupela nem na adres bilong yu i kam na bai mipela i salim bekim long pas bilong yu. Mipela bai toktok long ol samting yu askim long en tasol mipela no inap long putim trupela nem bilong yu.

Laiplain



(l-r) GUTPELA TRU: Dijanosic, Seddon na George Pano, Corporate Affairs manager i amamas wantaim na soim kain moskuito net ol bai givim.

Manmeri kisim helpim

Paul Zuvani i raitim

INAP olsem 300,000 manmeri husat i kisim bagarap long bikpela haiwara long Nu Ailan na Manus nau i no ken tingting planti long kisim sik malaria.

Ol inap abrusim malaria bihain long bikpela smuk kampani, Britis Amerika Tobako (BAT) we i givim 1,200 moskuito net long mani mak bilong K70,000 long Rotari Egensim Malaria (PNG) grup long opis bilong ol long dispela wik.

Siaman' bilong Rotari Egensim Malaria (RAM), Ron Seddon, i tok em i amamas long dispela helpim.

Bikos long hevi bilong haiwara grup bilong Siddon i bilip ol natnat bai yusim planti ol hap wara i pulap nating long wara.

"Long dispela taim bikpela haiwara (King Tides) i bagarapim stap

bilong ol manmeri long Niugini Ailan na sampela hap bilong Sentrel provins.

"Wantaim dispela helpim mipela i hop olsem ol manmeri i gat sampela kain rot bilong abrusim sik malaria."

"Dispela i no hat. Taim ol manmeri i gat rot, dispela i gutpela."

Em i tok long ol inap kisim ol moskuito net na ol ken kisim sik na lusim laip nating.

Em i tok ol i laikim kain helpim i kam long ol kampani na komyuniti na ol i amamas olsem BAT i kamap long taim we ol i laikim tru dispela helpim.

Em i tok grup bilong em i wok wantaim Dipatmen bilong Helt long givim dispela helpim na i wok long givim aut dispela ol moskuito net long olge-

ta 89 distrik bilong kantri.

Seddon i tok RAM i givim ol moskuito net long planti ol dispela pinis tasol liklik namba bilong ol distrik i stap yet bipo long ol i pinis long givim net long olgeta distrik.

Wantaim Nu Ailan na Manus Rotari Egensim Malaria bai givim sampela moskuito net long ol hap bilong Morobe provins.

Long taim bilong givim ol net jenerel menesa bilong BAT Michael Dijanosic i tok kampani bilong em i amamas long givim dispela helpim na hop olsem ol manmeri i kisim, gutpela taim wantaim dispela ol net.

"Dispela i no namba wan taim bilong mipela long givim helpim long komyuniti tasol mipela i amamas moa long kain helpim pait egensim sik," Mista Dijanosic i tok.

Madang bai holim 2009 PNG/Australia bisnis kibung

Paul Zuvani i raitim

MADANG taun bai holim 2009 Papua Niugini Australia bisnis kibung long 17 i go inap long 19, Me.

Dispela kibung i save kamap long wanwan ol yia na planti taim tupela kantri i save holim long Kens (Cairns), Australia.

Dispela em i namba wan taim long tupela i holim kibung long PNG.

Long dispela kibung bai gat kain samting olsem Tred Ekspo we bai givim sans long ol kampani bilong tupela kantri wantaim long ol i soim ol samting we ol i save mekim.

Hettok bilong dispela yia bisnis kibung em "Luksave long ol bisnis bilong PNG na kisim sans long mekim invesmen."

Pastaim long kibung i kamap bai gat liklik kaikai i kamap long Sande.

Ol oganaisa i tok dispela bai

bikpela bisnis kibung we bai bungim planti ol lidaman na ol bisnis manmeri na olsem ol i laik bai ol samting i mas kamap gut.

Bikos long dispela ol i askim ol manmeri husat i laik go long ol i mas putim mak long buk bilong ol na tingim de we dispela kibung bai kamap long em.

Na long go ol i mas mekim dispela ol samting: go olsem wanpela deleget, go wantaim wok bilong hanbuk, stap insait long Tred Ekspo na kisim wanpela Tred But.

Long dispela kibung kain samting olsem golf tonamen, wokabaut bilong wanpela poroman, raun long Madang, ol arapela pilai long wara em long daiving, seil na go painim pis.

Ol manmeri i ken painim ples bilong stap long ol dispela hap: Madang Risot, Madang Lods Hotel, Kos Watchers na Jais Aben Risot.

I gat bilip olsem planti ol man-

meri i laik stap liklik long Madang na olsem ol bai kamap pas long Fraide 15.

Ol oganaisa i tok husat manmeri i bin kamap bipo long ol kain kibung bai save husat em husat long ol bisnis long PNG na Australia.

Dispela bai no mas wanpela kibung ol manmeri bai abrusim.

Long husat kampani i laik stap insait long dispela kibung ol oganaisa i tok ol registresen fom bai Tred Ekspo bai stap long websait long pinis bilong Januari, 2009.

Long save moa manmeri o kampani i ken ringim PNG Bisnis Kaunsil opis long telepon namba (675) 320 0700 o long imel etres: eksekutiv@bcpng.org.pg o long sekretariat bilong Australia PNG Bisnis Kaunsil na toktok wantaim Mis Nandanhallt long telepon namba 686 1072 o long imel etres: nnandanhallt@yahoo.com.

Piul prais i kam daun

OL manmeri husat i gat ka, bot, jenerat, balus o i save yusim piul o karasin nau i ken kisim isi bihain long Independen Konsuma na Kompetisen Komisen (ICCC) i mekim wanpela moa taim gen long daunim prais i kamdaun.

Komisina na sif eksekutiv opisa bilong ICCC Thomas Abe i tok em i mekim dispela disisen bihain long em i kisim toksave long InterOil.

Long Mosbi prais bilong ol samting i

sanap olsem- petrol em K2.25 long 225.07 lita, disel K2.07 long 207.4 lita na karasin em K1.92 long 192.39 lita.

Mista Abe i tok dispela i namba faiv taim long kain toksave i kamap we long olgeta dispela wanwan mun dispela toksave i bihainim tasol narapela toksave we i kamap bipo.

Kain toksave i stat long kamap long mun Ogas bilong las yia.

Long lukluk long olgeta samting ritel

prais bilong Ogas, 2008 i kamdaun long mani mak bilong K1.82 long wanpela petrol, K1.92 long wanpela disel na K1.81 long karasin.


Bihainim kain mak olsem komisen i bilip prais bai kamdaun yet long ol mun i kam bihain.

Long taim Abe i tokaut long senis bilong piul em i salim wanpela toksave tu long ol sevis stesin na ol arapela ritela olsem ol i no ken putim prais bilong ol yet longwe long prais em

komisen i makim long em.

Em i tok prais bilong wel i kam stret long graun nau i kos olsem 40 Amerika dola (US\$40 o K114.29) long wanpela barel na dispela em i wanpela daunbilo prais bihain long ol prais i bin stap antap.

Tasol em i givim tok lukaut olsem ol kastoma i mas was gut bikos dispela prais i no inap stap longpela taim na bai go antap long samtaim bihain gen.



Kisim strong long buai

HELPIM MIPELA: Nesanel Kapitol Distrik i mekim lo long manmeri i no ken salim buai long pablik ples. Dispela lo i kamap strong long dispela mun. NCD Komisen i mekim dispela lo bikos em i tok salim buai na kaikai buai save mekim ples i doti. Kaikai buai na spet i ken givim sik TB na ol arapela sik tu.

Tasol sori long ol lain husat i no wok tasol i save sapatim laip bilong ol long wok bilong salim buai olsem Agnes Maus na Robert Nulai bilong Taurama Fudlen i mekim.

Planti ol arapela manmeri husat i stap long wankain sindaun i no save long narapela rot we ol i ken mekim long sapatim laip bilong ol na olsem i askim NCD long helpim ol long sampela kain rot sapos ol i pasim ol long salim buai.

CIC bai skruim lo bilong kopi seri

James Kila i raitim

LO bilong tambuim salim kopi seri long ol baiya arere long rot insait long Westen Hailans em ol bai skruim i go long yet na Enga provins long dispela yia.

Kopi Industri Koporesin (CIC) i bin putim aut wanpela bikpela toksave pinis olsem olgeta kopi groa i mas noken salim ol seri kopi long ol baiya o husat ol praivet lain we i no rejista wantaim CIC na ol i save baim ol kopi seri long rot. Ma husat lain i laik baim seri kopi i mas kisim tok orait i pastaim ong CIC pastaim.

CIC i bin kamapim dispela lo long las yia.

CIC Bod i pasim tambu aninit long Seksin 6 (1) (c) 20, 21 na 22 long Kopi Industri Koporesin (Statutory Pawa na Fanksins) Ekt 1991.

CIC Bod i bin mekim dispela lo bihainim singaut bilong olgeta kopi groa na CIC nau i askim olgeta lain long kamap papa bilong dispela lo. Sif Eksekutiv Ofisa bilong CIC, Ricky Mitio i bin tokaut long dispela i no long taim i go pinis.

Maski olsem nau yet kopi sisen long kantri i wok long

go klostu long arere bilong en, i gat sampela gaden kopi i wok long karim kopi long diwai yet na dispela pasin bilong ol stilman i stilim kopi long gaden kopi bilong ol narapela lain na salim long ol rot sait baiya i wok long kamap yet long sampela hap bilong provins insait long Westen Hailans. Kopi prais long dispela yia i bin gutpela tru, na planti fama i kisim gutpela mani long helpim sindaun bilong ol.

Long Hailans rijon bilong PNG, kopi em 'grin gold' na mani ol manmeri i save kisim taim ol i salim i save helpim long baim kaikai, skul fi, klos na tu, helpim long kamapim ol narapela wok insait long famili na haus lain bilong ol long ol wan wan r ples bilong ol.

Kopi mani long PNG i winim ol narapela kes krop bikos dispela mani i save mekim senis long planti ol liklik famili long ol ruel eria tru, na i save sevim moa long 3.5-milion manmeri, we dispela mak em olsem hap populesin o manmeri i stap insait long PNG.

Insait long toksave, Mista Mitio i bin tokaut olsem ol groa i mas mekim kontrak wantaim ol laisens wet-fektori

long kisim kopi stret long kopi gaden na karim i go long fektori. Olgeta kontrak, namel long ol papa bilong wet-fektori na praivet baias i mas kisim tok orait pastaim long CIC.

CIC i tokaut tu olsem ol kar bilong karim seri kopi i go long wet-fektori i mas gat hap kapa plet i gat mak we CIC i givim long en i pas long bodi bilong kar olgeta taim. Ol laisens operet i ken baim dispela ol kapa plet long CIC.

CIC i toksave olsem aninit long dispela lo long ol i bihainim, ol laisens baya i mas givim olgeta nem bilong ol groa, kopi blok na kopi gaden we ol i gat kontrak long kisim seri kopi long o i go long CIC.

CIC i tokaut strong tru olsem husat ol wet fektori na laisens opereta i no bihainim dispela lo, bai CIC i rausim laisens bilong ol.

Dispela bikpela toksave Mista Mitio i givim i bihainim wanpela CIC Bod disisen we i toksave long ol kopi groa, baiya na ol laisens wet fektori opereta na jenerol pablik insait long 5-pela Hailans provins em, Isten Hailans, Westen Hailans, Simbu, Enga na Sauten Hailans.



OL SANDAUN MERI FAMA GO PASLAIN: Presiden bilong AWiA, Margaret Gini (raitan), Sekreteri Bridget Onikre na Tresera, Dorothy Pohu long wanpela woksop we moa long 100 meri fama i bin kamap long em. *Poto: Seniori Anzu*

Ol meri fama long Aitape i kisim mani helpim

Seniori Anzu i Raitim

OL AITAPE Meri long Agrikalsa (AWiA) unsait long Sandaun provins i gat K90,000 moa mani long helpim mekim wok bilong ol. Na tok tenkyu i go long Faunens na Treseri Minista Na Aitape-Lumi palamen memba, Patrick Pruaitch.

Presiden bilong WiA long Sandaun provins, Matharet Kola i tok Mista Pruaitch i bin mekim promis long las yia yet bihain ol meri i kamapim grup olsem, ol bai kisim mani long Join Distrik Plening Bast Praioriti Komiti (JDPBPC). JDPBPC i bin peim tu wokabout bilong ol

meri taim ol i go opim mama bodi, PNG Wimen long Agrikalsa (PNG WiA) long Lae las yia Oktoba. AWiA em i memba bilong PNGWiA. Ms Kola i tok ol bin kirapim AWiA bilong helpim ol meri fama na ol mama long kisim gutpela sindaun long mekim wok long sait bilong agrikalsa.

Na dispela mani em ol bai yusim long kirapim na strongim ol netwok.

Na long kamapim ol plen na tingting we i ken helpim ol fama i kamapim gut wok bilong planim na lukautim ol gaden kaikai na kisim i go long maket. AWiA em i operet long 4-pela mun nau

tasol em i gat 4-pela elsekyutiv.

Na 20 grup i rijista pinis wantaim em.

Ms Kola i tok Aitape i gat gutpela graun long planim ol samting, tasol ol fama i nogat gutpela save long ol rot bilong nupela fam teknoloji.

Narapela em long maket. Em i tok mani helpim i kam long taim stret ol meri i laikim mani long wanem, ol meri i redi long go het na mekim wok.

Ol i sanapim pinis ol grup na tu. kisim trening long mekim ol kain samting olsem kokonas sop long de na nait.

Ol Kofena fama promis long bekim dinau wantaim NDB

James Kila i raitim

MDA long 40 smolholda kopi fama insait long Kofena eria long Daulo distrik long Isten Hailans provins i mekim tok promis pinis long bekim ol dinau na kisim long NDB.

Dispela fama i bin givim promis olsem ol long pinis bilong las mun insait long wanpela seremoni wantaim ol boisa bilong NDB.

Dispela ples Kofena em gavman i givim baksait long en na ol i no kisim gavman sevis long eria bilong long planti yia tru bihain long bikpela traibel pait i bin kamap namel long ol tripela lain wan-pisin, Andaiyo, na Kanosa-Lindima. Planti laip na ol planti ol bikpela samting olsem haus na sindaun bilong ol manmeri i bin bagarap tru long dispela taim pait i bin stat long 1995 i kam. Long 2006 wok bilong Daulo Kaunsil ov Sios i bin mekim na ol lain birua i sainim pis agrimen long Asaro stesen long stopim pait

na stap wanbel wantaim.

Long las wik ol manmeri i bin kra i na sore wantaim na welkam long wanpela opisa bilong NDB, Gibson Gilchrist Etete, husat i bin go na givim trening long ol pleslain bilong Kofena, long rot long kisim dinau na mekim ol liklik bisnis projek long kirapim gutpela sindaun insait long famili, haus lain na viles komyuniti bilong ol.

47 memba bilong Foinda Komyuniti Bes-Ogenaisesin (CBO) i bin bung wantaim ol lain opisa bilong NDB long kisim toksave olsem ol bai kisim dinau aninit long maikro fainens projek bilong benk.

Ol dispela lain bilong Foinda CBO em namba tu lain grup insait long Daulo distrik husat bai kisim helpim aninit long NDB maikro fainens we benk i bin putim K1-milien i go long maikro fainens helpim insait long Isten Hailans provins.

Ol nambawan lain long kisim helpim em ol lain long Sihereni insait long Kwonggi namba tu eria long apa Asaro eria long Daulo distrik yet. i

bin mekim wanpela kain liklik tes we NDB Goroka brens menesa, Karo Geno i bin givim long skelim sapos ol i save long wok bilong maikro fainens.

Long ol tes, Mista Geno i askim kwesten long ol dispela lain fama long 5-pela bikpela samting we i stap long helpim ol manmeri long sait bilong kisim dinau long benk.

Tasol pastaim long dispela tes ol memba bilong Foinda CBO i bin tokaut long promis olsem olgeta bai wok bung wantaim olsem wanpela famili na bihainim gut ol lo bilong CBO olgeta taim.

Ol memba bilong Foinda CBO i amamas tru long NDB long luksave long ol bikos ol i ting olsem gavman i lus tingting long ol pinis.


"Mipela i ting olsem gavman i givim baksait long mipela bikos mipela i bin stap long bikpela pait pastaim na planti ol samting nap les bilong mipela i bagarap na gavman bai ino inap kam na givim kain sevis olsem.



TOK PROMIS: Ol Foinda CBO lain i mekim tok promis bilong ol.



Gol Difenda (GD) bilong Veupunama 1 i traim long pasim Gol Atek bilong Johnstons long praivet kampani gem bilong ol long Mosbi laswik Sande. PHOTO: A. Molen/ Wantok



Ol PNG Barramundis pilaia i bung na kaikai wantaim long Mosbi bipo ol i go long bikpela pilai bilong ol long Argentina. Poto: Andrew Molen.



Yokoro Soka Asosiesen long Erava, Sauten Hailens i strong yet bihain long tupela yia. POTO: YSA.

Ragbi lig refri gat asosiesen nau

PNG tas tim i redi

Sapot bilong ragbi lig 9's bilong ol meri



HARIM TOK: Refri Laksi Metta i toktok long ol pilaia long wanpela SP kap gem las yia. Ol refri husat i rejista wantaim PNGRA bai gat sans long SP kap tu. **FAIL POTO.**

PNG Ragbi Futbol Lig (PNGRF) siaman, Albert Veratau i givim tok orait bilong em long PNG refries asosiesen (PNGRA) dispela wik Tunde long Mosbi.

Tingting bilong kamapim dispela asosiesen i lus nating long las 10-pela yia na sinia refri, Guma Opi i wok hat long kamapim dispela asosiesen gen.

Em i amamas long toksave bilong Veratau na i no westim taim long tokim ol arapela long joinim ol.

"Wanwan senta husat i afiliet wantaim PNGRA i mas kamapim asosiesen bilong ol refri bilong ol yet tasol ol i mas rejista wantaim PNGRA long kisim luksave na tok orait bilong en," Opi i tok.

Dispela i min olsem ol pilaia na ragbi lig asosiesen i mas rejista

wantaim PNGRFL tasol ol refri tu i mas rejista wantaim PNGRA.

Opi i tok ol refri husat i rejista wantaim ol bai go long ol trening na i gat sans tu long refri long ol SP kap na arapela intanesenel gem.

"Sapos yu no memba bilong refri asosiesen bilong yu na sapos refri asosiesen bilong yu tu i no afiliet long PNGRA orait yu i no memba bilong PNGRA o PNGRFL.

"Dispela i min olsem olgeta gem bilong yu i nogat luksave bilong PNGRFL na PNGRA," em i tok.

Opi, husat i save sponsaim tu ol refri long Mosbi i tok em i bikpela tingting long helpim ol refri long PNG.

Wanpela bilong dispela em long kisim ol liklik redio ol i kolim vois kom (voice com) bai ol

refri na tas jas o lains man i ken yusim long toktok i go i kam insait long fil.

Ol refri na vidio refri i save yusim dispela long Australia.

Dispela ol samting i redi pinis na bai kam long PNG liklik taim.

"Mipela bai yusim dispela long Mosbi pastaim bipo mipela i go long ol arapela ples," Opi i tok.

Taim dispela ol samting i kam bai ol tas jas i no inap hatwok long ron i go insait long toktok wantaim refri, ol i ken sanap tasol na toksave long em long redio.

"Ragbi lig long PNG i wok long gro na ol refri tu i mas kain ol samting long apim level bilong ol tu.

"Dispela ol samting bai helpim long apim level bilong gem na tu ol refri na tas jas moa," Opi i tok.

PAPUA Niugini Tas Futbol (TFPNG) i makim pinis ol trening skwat bilong ol long go long wol mastas tas sempionsip long Sydney dispela yia.

Tonamen bai kamap long Oktoba na ol i makim skwat nau long givim ol inap taim long redi long en.

Ol tim ol i makim em sinia bilong ol man, sinia tim bilong ol meri, sinia miks tim na mastas tim bilong ol man.

Skwat em; Sinia tim bilong ol man - David Kivovia, Danny Baro, Augustine Aisi, Keni Epere, Gill Robinson, Mathew Foe (NCD), Jack Robinson, Boydie Robinson - (Alotau), Paul Paskalis, Issaac Amua (NCD), James Semeso - (Bogenvil), Roger Solala (Madang), Michael Beno, Joel Abal, Daniel Luana, Peter Taian, Terry Soten (ENB), Gerard Baun, Joachim Mosong (NIP), Rexie Tangarea (Enga), James David (NCD), Jack Wakurau (Morobe).

Sinia tim bilong ol meri - Kylie Lae, Madlyne Poo, Barbara Merimba, Kila Karara, Joyce Jomis (NCD), Tina Pera (Madang), Margaret Gore (NCD), Margaret Grogoro (Madang), Carol Oeka, Ambara Gene, Kay Robinson, Elise Kovivia, Lina Keapu, Leane

Epere, Daisy Apore, Rossie Johnson, Katie Tom (NCD).

Mastas tim bilong ol man - Ken Pepena, John Sabin, John Bonot, John Melvin, John Aidaboe, Greg Leahy, Jack Aisi, Cecil Tom Bernard - Manbari (NCD), so (NIP), Rodney Tabin (ENB), Benny Fideis (WNB), Augustine Arila, Colleen Amua, Gairo Pepena, Andrew Haipaku (NCD).

Ol i makim dispela ol tim bihain long 2008 nesenel provinsol sempionsip long Mosbi.

Nau yet i gat 20 pilaia long wanwan skwat tasol dispela namba bai go daun long 14 long wanwan.

Trening bilong ol pilaia long Mosbi i stat dispela wik na wanwan asosiesen i mas mekim wankain bilong ol pilaia bilong ol.

"Olgeta pilaia i mas pas strong long trening bilong ol na bihainim stretim pasin insait na autsait long fil wantaim," presiden bilong TFPNG, Joe Yore i tok.

"Mipela laikim olgeta i trening bilong wanem mipela i laik kamapim strongpela gem long hap, mipela i no go long holide o raun nating na kam bek," em i tok.

Paulus Tali i raitim

RAGBI lig nains (9's) resis bilong ol meri long Lae i klsim luksave las wik na presiden bilong ol i laikim moa sapot i mas kam long strongim gem bilong ol.

3 Nation Stoa Malpa Dipatmen, long Eriku i givim Kap tropi bilong ol meri go long presiden bilong Lae Ragbi Lig (LRL) Russ Kaupa las wik.

Kaupa i tok ol man i gat sponsa long Good Samariten klinik pinis na em i gutpela long lukim ol meri tu i kisim helpim.

"Dispela bai mekim ol i amamas na bai lukim ol i pilai strong tru long lukim husat bai kamap sempion," Kaupa i tok.


Em i bin askim helpim bilong ol bisnis long Lae tasol nogat wanpela i helpim na em i tok bikpela amamas bilong em long bosman bilong 3 Nation stoa, Chritine Ng.

Dispela tonamen i ron moa long wanpela mun nau na bai pinis bihain long Jenuari.

PAINIM BAL RESIS

NAMBA - 5

ISU NAMBA 1797



Putim mak (X) long wanem hap yu ting bal i stap long en na salim i kam long:

**PAINIM BAL RESIS
WANTOK NIUSPEPA
P.O. Box 1982 Boroko,
NCD
Port Moresby.**

Bai yu gat sans long winim K100 long wanwan mun.
Traim lak bilong yu, nogut yu gat sans long win!!!

Lo bilong resis:
Ol wokmanmeri bilong Wantok Niuspepa no inap pilai long dispela resis. Wantok Niuspepa tasol bai i makim wins. Nogut polakopi. Taim bilong dra em bihain long toapela wik bai ol i draim wins na nupela pilai bai i stat gen. Nem bilong wins bai kamaut long papa naba wik bihain long dra.

Sans K100 yah!!

Makim (X) long bokis yu ting bal i stap na salim i kam long atres antap.

Nem:.....Krismas:.....

Man/Meri:.....Atres:.....

.....Telepon Namba:.....

Yu baim Wantok pepa long we?

Stua/Maket/Sit:.....

.....katim long hiz.....

Farah laikim Benji stap bek wantaim West Tigers

ROBBIE Farah i sainim nupela kontrak pinis wantaim Wests Tigers long stap 4-pela moa yia na i laikim wanpilai, Benji Marshall tu i mas stap.

Las 6-pela wik, Farah, 24 krismas, i tingting planti long bihain taim bilong em na nau em i kisim win tasol i wari yet long Marshall.

Gold Coast Titans i laik kisim em i

go pilai wantaim ol aninit long kontrak we inap \$1.4 milien tasol em bai stap bek wantaim Tigers inap long 2013.

"Mi askim Benji (Marshall) na em i tok em i no save yet.

"Mi laikim bai em i ken stretim em yet hariap na em bai gutpela long lukim em i stap bek long hia," Farah i tok.

PNG i mas kam namba wan

Andrew Molen
i raitim

PAPUA Niugini mas kam namba wan ples long ICC Wol kriket lig divisen tri salens bilong ol long Argentina.

Sapos ol i kam namba wan bai ol i gat sans long kisim bikpela helpim i kam long intanesenel kriket kaunsil (ICC) na tu bai ol i gat sans long go long wol kap.

Siaman bilong Kriket PNG (CPNG), Mick Nades i strongim ol PNG Barramundis wantaim dispela ol toktok long Mosbi bipo ol i lusim kantri long Trinde moning.

6-pela pilaia wantaim tim menesa i lusim kantri long go bungim narapela 7-pela long Toowoomba, Australia husat ol i wok long pilai insait long Is Esia Pasifik (EAP) tim long Aus-



NAMBA WAN TASOL: 6-pela pilai husat i lusim kantri aste long go long Australia long bungim ol arapela wanpilai. **POTO: Andrew Molen.**

tralian kantri kriket sempionsip (ACCC).

Ol bai stap 4-pela de long hap wantaim kosa bilong ol Martin Gleeson bipo ol i go long Argentina we ol bai pilai long Januari 24 i go long 31.

Nades i tok tupela top

tim long dispela tonamen bai gat sans long go insait long wanpela gem bilong kwalifai long pilai long wol na tu long kisim bikpela helpim long ICC.

"Tasol yumi noken kam namba tu ples, lus tingting long dispela na

putim ai bilong yupela tasol long namba wan ples," Nades i tok.

"Dispela em du o dai gem bilong yumi.

"Sapos yupela i win bai yupela i go pilai tupela wik bihain long Saut Afrika we top 10 tim long hap na bai

kisim bikpela helpim olsem developmen mani i kam long asosiesen bilong ol," em i tok.

"Wantaim dispela bikpela mani bai yumi ken yusim long stretim ol fil na strongim gem bilong yumi long PNG," Nades i tok.

Tim i kisim helpim long Milo wantaim K50, 000 olsem mama sponsa bilong ol.

Sinia pilaia, Jamie Brazier i tok em bai bikpela gem bilong ol na wanpela strongpela tim long hap em Uganda we PNG bai bungim long Januari 27.

"Mipela i bin winim ol na ol i bin winim mipela tu wanpela taim olsem na em bai wanpela gutpela gem," Brazier i tok.

Em i bilip tu olsem ol pilaia bilong ol i ken pilai strong bihain long i gat wari olsem ol bola i tro-moi bai gut tasol ol betsmen i no stap long gutpela fom.

Trukai Industris save helpim spot long PNG olsem wanem

TRUKAI Industris (Trukai Industries), kampani husat ol i save mekim Trukai Rais long Papua Niugini (PNG) i sapotim spot long kantri longpela taim tru.

Dispela kampani i helpim spot long PNG long olgeta level, long sait bilong mekim na salim ol samting bilong ol na ol arapela hap tu.

Olgeta manmeri wok long amamas long kaikai Trukai Rais i stap tasol long wankain taim ol spotmanmeri wok long amamas long ol arapela gutpela samting Trukai i givim ol.

Trukai Industris i putim bikpela mani tru long sapotim spot long kantri olsem weiltifting, pawalifting na bodi bilding.

Dispela tripela spot tu i karim nem bilong dispela kampani go long olgeta hap long wol.

Na maski ol dispela arapela kantri bai no inap save gut long nem bilong kampani, bikpela samting em ol bai luksave long wanem kain prodak o kaikai kampani save mekim olsem rais.

Dispela tripela spot i mekim biknem insait long kantri tu we ol i save winim planti medol tu olsem ol arapela spot. Winim ol medol em i bikpela samting tu long ol arapela spot long intanesenel level.

Tasol kampani i kisim biknem tru long PNG wantaim wanpela program ol i givim mani long kamapim wantaim PNG Spots Faundesen long 1995 yet i kam.

Dispela program em Trukai Yut Spots na em i save karim nem bilong kampani raunim kantri planti taim tru.

Program i karim ol i go long ol ples long kantri na i helpim long givim trening long moa long 3000 spot lida pinis.

Trukai i save amamas long sapotim gut tru dispela program na ol arapela spot long kantri.

Meninga mekim AIDS aweanes long PJV

KOSA bilong KWINSLEN (Queensland) Maroons, Mal Meninga, i bin kamap long Porgera las wik long mekim HIV/AIDS awenes wantaim ol woklain bilong Porgera Join Vensa (Porgera Joint Venture o PJV).

Meninga i yusim save na trening bilong em long ragbi lig long skulim ol manmeri long ol hevi bilong sik AIDS na ol gutpela rot long bihainim long abrusim.

Meninga i kam wantaim bisnismen bilong em, Joel Ashcroft na bipo biknem kriket pilaia bilong Australia, Martin Kent.

Ol i save olsem ol manmeri bilong Papua Niugini (PNG) i save laikim ragbi lig na spot na i yusim dispela pasin na tingting bilong ol long toktok bilong sik AIDS.

"Long ragbi, yu save bihainim ol lo bilong gem taim yu pilai; yu save tren hat na lukautim bodi bilong yu.

"Yu yet bai mekim tingting bilong yu long mekim ol stretpela samting," Meninga i tokim ol woklain long hap.

Wankain long laip bi-

long yu, yu i mas mekim stretpela tingting long bihainim ol gutpela rot long lukautim yu yet na tu abrusim sik AIDS, em i tok.

"Sapos yu les long yusim kondom orait yu i mas stap wantaim wanpela poro tasol," em i tok.

Meninga i tok dispela ol aweanes bai no inap pinis sik AIDS olgeta tasol em i ken skulim ol manmeri na helpim ol long senisim sampela pasin bilong ol.

Em i tokim ol manmeri bilong Porgera tu long sanap strong long ol yet agensim dispela sik nogut na lukautim gut bodi na pasin bilong ol.

Jenerel Menesa bilong PJV, Mark Fisher, i tok amamas long raun bilong Meninga na i bilip ol toktok bilong bai helpim gut ol manmeri.

"Dispela ol toktok i kam long wanpela biknem man we planti ol manmeri bilong yumi long Porgera na kantri i save bihainim gut olsem na mi ting ol i kisim gut toktok bilong em," Fisher i tok.



RAUN: Meninga i bungim ol manmeri bilong Porgera long raun bilong em las wik. **Poto: PJV**

PNG redi long holim snuka sempionsip

Andrew Molen
i raitim

2009 OSENIA (Oceania) snuka na biliad resis bai kamap long Papua Niugini (PNG) na PNG Snuka na Biliad Asosiesen (PNGSBA) i tok ol i redi long dispela.

Namba tu Siaman bilong PNGSBA, Howard Lahari, i tok mani mak bilong ol long holim dispela bikpela resis bai inap olsem K400, 000 tasol ol i kisim planti sapot na olgeta samting bai kamap orait.

Las wik Fonde long Mosbi, Nesenel Geming na Kontrol Bod (NGCB) i givim K25, 000 olsem mama sponsa bilong resis.


Sif Eksekutyutiv Opisa (CEO) bilong NGCB,

Simon Anangke, i givim sek bilong dispela mani long Lahari na i tok amamas long wok ol i mekim long kisim kain resis i kam long PNG.

Ol arapela tu olsem Turisim Promosen Atoriti (TPA) i helpim na Nesenel Ketaring Sevis (NCS) bai givim ol kaikai bilong taim bilong opim na pasim dispeal resis.

Lahari i tok ol arapela kantri olsem Fiji na Vanuatu bai kam long pilai na em i gutpela long soim PNG long ol.

Laspela taim PNG i bin holim wanpela bikpela resis olsem em long 1999 na dispela i bin kamap gut na ol i laik mekim wankain gen.



SEK: Lahari (lephan) i lukluk long sek mani Anangke (raithan) i givim em las wik. **Poto: Andrew Molen.**

LAE
BISCUIT CO.



WANTOK

SPOTS

LAE
BISCUIT CO.



Isu 1797

Wan wik: Fonde Januери 15 - 21, 2009

INSAIT

Ragbi lig i gat refri
asosiesen nau.

PES 26



PNG mas kam
namba wan ples.

PES 27



Kumuls i go yet

Andrew Molen
i raitim

SALENS bilong Papua Niugini Kumuls i go yet bihain long ragbi lig wol kap long Ogas 2008.

Strongpela gem bilong ol i mekim PNG Ragbi Futbol Lig (PNGRFL) i tingting nau long givim ol planti moa intaneseni gem long redim ol long bikpela tonamen olsem.

Namba wan tonamen bilong ol dispela yia bai kamap long Kens (Cairns), Australia agensim Northern Pride long Februari 14.

Northern Pride em wanpela tim long Kwinslen (Queensland) we i save givim ol pilaia bilong en i go long North Queensland Cowboys

insait long Nesenei Ragbi Lig (NRL).

Wanpela PNG Kumul, Rod Griffin, i save pilai wantaim dispela klap.

PNGRFL siaman, Albert Veratau wantaim sif eksekutyiv opisa (CEO) bilong em Danny Holmes i kamap dispela wik Tunde long Mosbi long tokaut long tim we bai bungim.Pride.

Dispela Kumul tim i gat ol SP kap pilaia tasol we i lukim sampela ol nupela pilaia tu olsem Mabey & Johnson Muruks fulbek, Joshua Poria husat i putim 4-pela trai long gren fainol las yia.

Sampela ol wol kap pilaia tu olsem pawa fowet Nixon Kolo i stap insait long tim.

Holmes i tok dispela yia bai ol Kumuls i go pilai long Australia na


neks yia (2010) bai Northern Pride i kam pilai long Mosbi.

Northern Pride i nap long pilaim Canberra Raiders long Februari 14 tu tasol ol i tok nogat long ol Raiders bilong wanem ol i laik pilaim ol Kumuls.

Holmes i tok Northern Pride i bilip ol Kumuls bai givim moa salens long ol olsem na em i askim olgeta pilaia husat ol i makim long trening na redim ol yet gut bipo ol i go pilai.

"Husat pilai i no fit o i no strong bai no i nap go pilai," Holmes i tok.

Olgeta pilaia bai bung long Mosbi long Februari 9 we ol bai kisim fitnes tes na medikol sek na trening tupela de wantaim bipo tim i lusim kantri long Februari 11.



POTO: ANDREW MOLEN.

GEM ON: Pilaia bilong Veupunama 1 (lephan) na Johnstons i resis long bal insait long Praivet kampanis netbol salens long Mosbi las wik Sande. Planti ol gem i kirap gen bilong dispela yia bihain long krismas na nu yia maiolo.

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.